



第卅
 農歌集
 秋崖集
 清雋集
 聆髮集
 同續集

卅

柳田文庫
 文庫11
 D 156
 30



文庫 11
D 156
30

農歌集鈔

八十

戴昺字景明號東塾石屏之從孫嘉定己卯登第授贛
州法曹叅軍有東塾農歌集石屏稱其不學晚唐體曾
聞大雅音者也集中答妄論宋唐詩體者云安用雕鏤
嘔肺腸辭能達意卽文章性情元自無今古格調何須
辨宋唐人道鳳箏諧律呂誰知牛鐸有宮商少陵甘作
村夫子不害光芒萬丈長知此可與言詩矣

侍屏翁遊屏山分得水字

攜琴入空山修竹翠相倚一曲千古心泠泠寄流水拂雲
卧白石冥搜契玄理有時采薪人歌聲隔林起

秋日過屏山菴

凄切抱葉蟬間關棲樹禽入山本避喧復愛聆此音微颺



010190554320

48-12201

農歌集金
動夕爽薄雲散秋陰衆籟聞以靜片月生東林

逐瘧鬼

咄哉瘧鬼何冥愚沉魄猶滯江流居孰云胄出高陽氏而
乃不肖如此歟爲妖常闖秋令動作威又竊炎官餘今年
恣睢逞暴虐十戶九室聞嗟吁人生一歲一寒暑自有大
瘧纏其軀翻手爲涼覆手暖笑爾禍福纔須臾癡兒騃女
或汝怖那能嚇我烈丈夫汝不記少陵詩句有神語子璋
鬪髀血模糊昌黎譴逐更多術灌毒炷艾揮靈符今來古
往共憎疾奈何長惡終不渝胡不學鮫人細織冰綃製雲
裾胡不從湘君緩移桂擢拳芙蓉乃甘卑潔賈衆怨厭穢
唾罵無時無爾來經旬瞰吾室再三謝遣猶踟躕吾詩吾
酒旣不廢汝窮汝技將何如大江秋色正瀟灑明月皎皎

風疎疎便須悟悔速歸去嘯儔呼侶相嬉娛夜闌吟徹欲
就睡燈花照眼團如珠夢回病息甚然散颯颯風籟生庭
梧

辛亥九日被檄視滂遂爽同官飲菊之約夜宿荒驛

風雨達曙

孤負重陽菊愁懷不肯寬郵亭一夜雨客枕五更寒脚健
從渠老心低到處安獨行誰可語時把古詩看

納涼卽事

炎蒸欣傍晚埽地坐寬涼入竹風逾冷生荷水亦香蟻行
緣食八螢照落書牀聽得農人語今年稻穗長

偕兄侍屏翁探梅屏山分得空字

踏破登山屐來尋傍水叢眼明千樹底春在數花中格瘦

詩難寫香寒酒易空狂歌歸秉燭驚怪走兒童

安居

安居元自好春晝更遲遲雪浦煎茶鼎雲生浴硯池栽荷
填廢沼移竹補疎籬猶有閑光景歆眠續舊詩

次韻屏翁新秋

檢點新秋事天公賜已豐秋牀梧葉雨曉袂竹牀風閱世
心先老傷時酒易中誰將和戰議細與問元戎

己亥十月晦大雷雨

舛令頻年見憂時百慮灰入冬常苦雨昨夜又轟雷土爛
麥難種蟲傷菜失栽兒童不解事喜報海棠開

次韻屏翁冬日

曉起衝寒出霜明日未晞麥豐來歲木梅漏早春機水澗

魚溪隱蜜成蜂倦飛靜中參物理一一見精微

自武林還家由剡中

一筇雙不借役役又東還野渡淺澗水夕陽高下山光陰
虛我老造物斲人閒高躅息吾祖鳴琴獨閉關

次韻君玉弟春事

海棠紅未了又近牡丹時送日多忙事疇春欠好詩暖風
催麥早晴晷轉花遲不盡清遊興重爲上巳期

次韻晚春二首

一襟塵欲滿刮眼得新詩風絮遺春恨煙花隔歲期荀抽
蟲半蝕櫻熟鳥先窺光景渾如此心閒卽好時

田園滾有趣已分隱柴局老去情多感春來夢少靈游絲
捲晴日飛絮入空庭預識今年好啼鶉枕上聽

春晚卽事

春郊農務急野岸水痕高蒲渚鳴姑惡桑林嘯伯勞整欄
扶芍藥塞網護櫻桃不改窮居樂何妨見二毛

次韻屏翁初夏會芳小集

一觴還一咏竟日醉難成坐石驚雲濕臨池愛水平密林
宜午蔭啼鳥尚春聲更有櫻桃約明朝且願晴

夏初郊行

晴雨天難測寒暄氣未齊連村多綠樹終日嘯黃鸝田水
衝塍斷山雲著地低偶隨農叟語不覺過橋西

僻居

地僻塵囂遠身閒趣味淡清池涵竹色老樹帶藤陰引鶴
隨閒步招蟬伴醉吟有時燃古鼎隱几自觀心

亦龍弟覆簣纍石作亭其陰屏翁名曰野亭索詩謾

賦

高懷抗塵外林杪著三間綠遶村邊樹青浮海上山目窮
天變化心靜地寬閒鷗鳥知人樂忘機亦往還

秋晚

西風澄曉氣凝觀愜幽情草潤蛩聲滑松涼鶴夢清吟懷
衣水靜病思得秋輕忽憶登高近循籬看菊英

鄭安道終歲相聚臨別以詩見貽次韻為謝

解纜詩言別無計可畱梅花兩心事寒雁五更愁我亦
高懸楊柳須獨卧樓後回相憶處莫返雪中舟

夏曼卿作新樓扁曰瀟湘片景來求拙畫且索亭

有此一樓足悠然萬慮忘拓開風月地壓斷水雲鄉四野

農歌集鈔 四
留春色千峰明夕陽眼前無限景何處認瀟湘

幽棲

幽棲頗喜隔羣喧無客柴門盡日關汲水灌花私雨露臨
池疊石幻溪山四時有景常能好一世無人放得閒清坐
小亭觀衆妙數聲黃鳥綠陰間

此生

此生畢竟已蹉跎有酒何妨醉且歌人世盡緣愁得老春
花偏被雨相魔草欺蘭瘦能香否杏笑梅殘奈俗何試上
東樓看霽景海山無數列青螺

書房

書房清曉焚香坐轉覺幽棲趣味真怪石一根雲態度早
游半樹雪精神池魚自樂誰知我林鳥相忘不避人得喪

由來天自定莫將閒慮惱閒身

移古梅植于貯清之側已有生意喜而賦之

剝盡皮毛真實在幾年孤立小溪滄人來人去誰青眼花
落花開自苦心不是野夫同臭味難教君子出山林巡簷
日日窺生意一朵先春直萬金

再得古梅小而益怪首蒙屏翁品題次韻

愛渠怪怪復奇奇冒雪遙憑健步移竹外池邊栽恰好山
巔水際夢多時百年死質餘生意一片孤槎帶好枝寄語
花神勤守護品題莫負老僊詩

觀敗碁者戲作

看人出着笑人低及至當枰却自逃角子僅全輸了腹東
邊纔活喪於西欲裝劫去多難補待算征來恰又提天下

未應無妙手勸君莫愛墨後猊

閒居幽事

閒居幽事屬田園何必山林始避喧
足水旱禾分母子多年脩竹見翁孫
欣然勝敗無心奕兀爾醉醒隨意樽
昨夜一番雷雨過綠波微漲曲池痕

已亥九日屏翁約諸孫登高西嶼阻風舟行不前遂會於吾家山海圖之上酒邊翁有詩畱題因次韻良辰樂事兩相關喜我樓臺便往還不用移舟過西嶼只消把酒對南山風於破帽如先約菊爲新筍欲笑顏畱作千年佳話處詩翁醉墨照楣間

秋日獨倚東樓

重陽過了秋逾爽白豁樓窗眺晚西
野水倒涵天影動海

雲平壓雁行低興來頻放潑杯飲吟到須還大字題近喜書房添一寶陶泓買得古端溪

次韻屏翁壬寅九日再題小樓

佳節相過共舉觴爲萸菊醉亦何妨
須知我輩襟懷事不是時人酒肉狂
落雁影邊寒水碧歸鴉啼處夕陽黃
詩翁樽俎風流在老氣橫吞年少塲

初冬梅花偷放頗盛

清樽纔了黃花債又被梅花惱殺人
妝點南枝無數雪探支東帝幾分春
精神全向疎中足標格端於瘦處真
徹夜苦吟無好語夢隨雙月步溪澗

四月卽景

茶歌纔了又田歌節物真成一鳥過
蒼竹颭風涼意足碧

梧留雨夜聲多瓜綠茅屋抽長蔓藕過蔬畦出矮荷最喜
白鷗相狎久對人自在浴清波

次韻鄭安道懷君玉弟游東嘉

好山好水東嘉郡兩月清游樂可知遠想池塘頻夢汝還
當風雨對眠誰別時菊蕊方宜酒幾日梅花已索詩雁影
參差霜正冷寄言歸計莫遲遲

春事

春事關心常早起愛看景物試凭欄戲魚池面微添綠啼
鳥枝頭尚帶寒斬棘重樊新插柳澗泉頻灌白栽蘭年來
賸有園林興每恨廬邊地不寬

賞茶

自汲香泉帶落花漫燒石鼎試新茶綠陰天氣開庭院卧

聽黃蜂報晚衙

夜過鑑湖

推篷四望水連空一片蒲帆正飽風山際白雲雲際月子
規聲在白雲中

喜小兒學步

對周尚有六十日舉足已能三五移世路只今巉嶮甚須
教步步着平夷

夏晝小雨

小牀新簟展琉璃窗外新篁一尺圍正午雲橋疎雨過冬
青花上蜜蜂歸

里中小漁舟被差防江有感而賦

着身平地更多憂一棹思爲泛宅謀昨夜西風邊報急防

江也要釣魚舟

天台道上早行

篋輿軋軋過清溪溪上梅花壓水低月影漸收天半曉兩山相對竹鷄啼

五禽言

提葫蘆沽美酒人世光陰春電走一日得醉一日閑綠鬢幾曾俱白首沽酒沽酒有酒沽生前不飲真愚夫不如歸去不如歸去千山萬水家鄉路今年又負故園花來歲花開定歸否歸去歸去須早歸近日江湖非舊時泥滑滑泥滑滑客路迢迢雨不歇我僕十步九步蹶我馬驢騾如跛鼈泥滑泥滑君莫愁秧爛麥損尤堪愛晚却破袴脫却破袴蠶熟繰成霜雪縷小姑織絹未落機

縣家火急催官賦輸了官賦無零落破袴破袴還更著麥熟銀磨麥熟銀磨村南村北聲相和大男小女總欣欣煮餅蒸糜任渠做銀磨銀磨莫等閒去年糠粃無得餐

小畦

小畦尋丈許鑿壁置柴扉雨後菜蟲死秋來花蝶稀插籬新種菊抱甕已忘機俗客忽相訪妨人洗布衣

有感

浩浩海風勁滔滔河水渾古人皆去世喬木自當門族黨諸孫盛吾宗一綫存興衰知有數心事與誰論

十日取野菊從酒

野徑菊仍好村墟酒亦嘉未應今日蕊便是背時花心在家千里身猶客九華官程難久駐風雨暮山斜

山家小憩卽景效藥名體

柴門通草徑茅屋桂枝間
脩竹連翹木高松續斷山仰空
青蔭密埽石綠花斑傍澗牽牛飲白頭翁自閒

從板橋買舟上青陽

卸馬板橋西扁舟逆上溪水
鏤巖骨斷煙截樹頭齊野鴨
驚人起村鷄上樹啼老農頭雪白猶自把鉏犁

抵池陽未入關泊於齊山數日因窮巖壑之勝

山有翠微亭杜牧之登高處

瘦策相扶上翠微眼驚奇怪足忘疲
三十六洞猶昔者四百餘年無牧之
漲水森瀾春雨後遠山重疊夕陽時
幾多江北江南恨問着沙鷗總不知

秋暮出關卽事

俗塵汨汨負清游重出城來已暮秋
水洗桺根欹斷岸霜摧蘆葉擁荒洲
鄉音不到愁來雁野性無拘羨去鷗
可惜一堤明月好鳴關難作夜淡留

歸途過麻姑山

山行十里少人家客子貪程怕日斜
倦坐松根需足力輕風滿面落藤花


五松山太白祠堂

太白讀書之地詩有要翅長舞袖盡耕五松卽此山也

艤舟來訪寶雲寺快上山頭尋五松
捉月仙人呼不醒一間老屋戰西風

歸途過銅官山

山徑崎嶇落葉黃青松疎處漏斜陽
鳴禽無數聲相應一陣微風野菊香



秋崖小藁鈔

方岳字巨山

人紹定間為別省第一登徐元

杰榜進士累遷至吏部侍郎前以史嵩之嫉論罷歸後以丁大全嫉論罷下郡中以賈似道之劾兩調邵武軍宗正丞未幾范去遂出為淮閩叅議官兼權工部而一出不可復入矣詩主清新工於鏤琢故刻意入妙則逸韻橫流雖少嶽瀆之觀其光怪足資矣

感風謝客

閣閣官蛙鳴。齁齁老牛喘。政坐一朝暄。作此十日冷。天公信難料。氣候隨手轉。吾貧了目前。遽脫春衣典。寧知昨夜雪。縮若蠶作蛭。坐令鼻流沫。客邪閉關鍵。畏風甚防秋。畏

酒甚把淺呼童語之故有客姑謝遣使我早自覺安得訛
謬舛乃知天下事以謹失者鮮

燕來巢

吾貧自無家客戶寄村墮。椽籬月三間。荒寒天不管。燕亦
何所聞。乃於我乎館。豈以菊未莎。而有竹可款。不即富兒
門。寧爲老夫伴。此意殊可人。然亦似吾懶。所須半丸泥。不
費一秉稊。云胡及風薰。相宅無乃緩。勉哉爾翁媪。坐席寧
暇暖。主人當賀成。落以晴雲盃。

秋熱

衰老不耐暑。喜甚秋咫尺。秋來幾何時。炮暑乃爾劇。老夫
大失望。亦自愧。兩屐青山吾故人。可想不可覩。農家請言
田使我舌屢啣。六月瀦爲泥。七月稿爲腊。十無一二存。政
苦蝗狼藉。吾飢不能臘。子熱不能夕。子熱猶可涼。吾飢那
可常。

山莊書事

晨興抹兩屨。爲口見駢迫。課童督秋刈。野穫夜彭魄。田翁
適過予。縑縷黑而瘠。且言土力貧。年登苦難阨。一飯不自
期。未議了租責。昨者耆長來。名復掛欠籍。截納入官輸。官
怒邊幅窄。拋擲下堂階。退字印文赤。賣牛重買絲。篝灯不
停息。明當扣東鄰。假牛下年麥。久貧少人情。恐復不見借。
旣去重感傷。行行猶欠息。我歸不能眠。草根鳴蟋蟀。

讀白詩效其體三首

我貧良亦難。未老生白鬚。策名奉常第。年已三十餘。半生
苦無幾。寧不欲疾驅。山麋野而僻。所至皆崎嶇。一登督視

府兩駕太守車意見有不合索去不待炊所以二十載同
一優侏儒豈如雲水身自適瓜芋區夕吾酒一瓢朝吾飯
一孟貧賤與富貴本自有差殊寄語劉伯龍毋煩鬼揶揄
人生有窮達不係才不才造物所付與聖賢不能回君看
孔孟氏遇世何如哉豈其有不如王驩與桓魋以茲自忖
度所遭已踰涯前瞻固不及後顧又可哈同時第進士或
未離蒿萊歸來亦云幸蕭散月下盃山池芰荷過野岸芙
蓉開幅巾一筇竹適可眠秋厓
左耳聽比鄰哀哀哭其夫家破肉未寒欲與死者俱右耳
聽殘婦呱呱哭其雛夫亡僅一女不自禁毒痛攬衣夜向
晨鏡鼓何喧呼誰何過喪車送骨荒山隅中年自多感人
世何所娛聞見又如此坐嘆歲月徂明朝計安出痛飲真

良圖

寄題朱塘晦翁亭

吾州斷雲邊山水則大好不知幾何年有一晦翁老去爲
考亭入草樹日枯槁兒時所釣遊豈不槩懷抱歸來乎令
威杖屨費幽討寒綠翁家塘昨夢幾傾側田田君子花籍
籍書帶草誰其月三間聊以寄吾浩翁今爲飛仙落葉紛
不掃滕侯所書紳歲月略可考諸郎表章之三峰倚晴昊
藐予抱遺書生世恨不早至今章句間兀兀首空皓緬懷
草堂雲春風動芹藻

贅室

室中度以几其脩去尋一廣長半而羸崇爲咫尺者七牖一
以爲明瑾三以爲密不供並橫肱所貴劣容膝雙屈忘春

靈龜宮美朝日元冥方用事萬木僵欲深窮陰易中人戒
子謹無出於時則然耳天者儻可必相爾室外寒磚爐坐
捫蝨

鄭僉判取蘇黃門圖史園囿文章鼓吹之語爲韻見

貽輒復賡載

桂冠與結綬孰者爲良圖忍貧殊亦難乃有山水娛一官
落世網耳目皆非吾以此裁量之回也終不愚茅屋八九
間左右瓜芋區旋筍薄薄酒美如步兵厨醉中天地寬渺
視騶侏儒六合日清曠吾道寧榛蕪何幸畎畝間身親見
唐虞不學張季鷹秋風但尊鱸

骯髒自山林伊優自朝市是耶其非歟一笑付圖史紛華
勿與戰淡溝閉壘壘歲月曾幾何折北俱披靡問君胡能
然待以不爭耳北山有微行聊足屣吾履未莎者維菊未
棘者維杞擷之復湘之寒綠水人齒秋聲在樹間餉我一
睡美誰其驚周公山鳥亦逝矣

澡身乎書圃晞髮於禮園靜中觀我生父乾而母坤寧不
自愛重日夕聲利昏前脩亦人耳而我何云云飄流衆濁
間我者能幾存人言千丈清不如一寸渾我方洗吾耳爾
舌寧可捫人情習華競何啻於乞墦此固吾不能歸袖風
翻翻寘矣勿復道荷鋤過前村

我觀衆草樹等是氣所囿蓬茅一何荒桃李一何秀榮悴
固不齊受命了無繆所以山中人翩然拂歸袖丁寧語泉
石此誤不可又開簾受微聽排闥入孤岫是身如虛空一
室寬宇宙夫何不嘗省與世爭決驟天分有固然吾力豈

其究

往年鄭子真口語挂吏文寧知世間事變化紛如雲有司
出納吝但守吾見聞參互漏一錢怒氣欲嚼齧鞭笞敢誰
何竟取衆夫信大官飽溪壑此特其毫分奮鬣一軒渠要
亦何足云人言老先生膏以明自焚歸來北窗底寸田得
鉏耨諸公直汲黯羔雁當成羣乃官巾柴車林壑伴野麋
相從亦何樂賴有中書君

我本耕田夫老矣紆郡章頭童齒欲豁顧視俱茫茫胷中
了無有寧敢高韻頽牧民如牧羊惟恐墮官常秋田失一
飽我食不下吭寧知事大繆以肉齒步光徒遭官長罵剛
腸怒生苦歸來幾何時有過墻下桑酒風一葉脫野草忽
已黃若行不可

吾仕竟三黜吾氣竭再鼓百年會有極等作一杯土寧當
友魚蝦勿謂怒豺虎靜中試遐觀一一皆自取但恨齒髮
衰無力供保伍結茅得幽淡衫竹自成塢食貧秋田少酒
不供小戶醒眼對佳山日夕送賓主有談及世故使我舌
屢吐常恐天地間愧仰而忤俯所以猿鶴居不嫌蓬蒿挂
可惜秋風至送君又南浦

宅山有高梧撼撼入涼吹物情競趨新不覺失故翠吾生
夫何如坐爲有身累青山久蹉跎白髮竟顛顛平生老瓦
盆笑我識丁字爲言已衰遲有口不如醉醉中當自知生
世略如寄何爲爭市朝以死博一愧一杯爲引滿遂及二
三四頽然乎林間客去吾欲寐

田制

井田變阡陌萬世以罪秦商君信苛刻不過民自民漢名
反秦火當與三代隣今年田欲方明年田欲均寧知古井
田不爲賦稅湮百畝官所予無甚富與貧所爲經界者要
使風俗淳豈爲橫江網竭不遺一鱗乃知三代時官與民
爲春秦民自生生官不與笑輦孰云漢田制顧不如秦仁
秦姑寘勿問漢已掎據信誰其起鄒叟重與畢戰陳

別蒙姪

嗚呼吾與汝生世何不辰每思十年事雪涕時沾巾方予
第奉常堂有未老親當時爾父母綠鬢猶青春乃各不待
年拱木號蒼旻禍予不自殞降喪無太頻骨肉纒百指踵
作松下塵乃今所存者欲言鼻酸辛我欲惟我爾爾父惟
爾身綿延僅不絕一絲引千鈞所以叔姪間不翅父子真

豈不念爾孤聚族守一貧日惟門戶故戀戀官倉陳雅欲
攜爾俱守舍無可人向來惡少子覆轍那可遵磨門故自
佳爾學憂荆榛索居寡師友則與不學均老大本無侶嗜
書如嗜醇少時其燈火往往夜嚮晨但患業不精寧往父
母嗔爾今旣婚冠不與童兒鄰一念及泉壤於何敢因循
此身所係重安事予諄諄俚諺亦有之一日計在寅豈伊
拾青紫聲利雙朱輪胷中無古今幾何不凡民嗟予父祖
曾百屈不一伸寸累望吾輩詩禮俱彬彬奈何泉始流遽
以捧土湮契濶未可期爲吐肝輪困幅短氣則長此紙其
書紳

上鶴山作圖書所扁

我本耕田夫識字略可數誰令半窗燈奪此一犁雨明經

爲青紫無乃以書賈晚知事大謬於學竟何補歸來抱遺
經頗欲窺門戶忍飢堪丹鉛環坐書作堵時或躋唐虞身
親到鄒魯吾方忘吾貧三徑蓬蒿柱獨慙鶴山翁健筆照
衡宇赤手盤蛟蛇今已泉下土連雲甲第多未必快此覩
乃知癡書人差勝守錢虜

日食守局

乙巳之秋七月朔太陽無光天索冥辟雍諸儒坐讀書談
古談今自驚愕玉皇不受紫宸朝百官表奏羣陰消明朝
丞相做禮數宣押歸堂只如故

贈背書人王生

我無王書二千六百紙空有六經四十三萬字荒山寒日
雪夜燈三十年來無本子壁魚不生糊法死君欲如何染
君指石爐煮餅深注湯自向胷中相料理

東西船

昨日東船使風下突過乘輿快於馬今日西船使風上適
從何來急於浪東船下時西船怨西船上時東船羨篙師
勞苦自相覺明日那知風不轉推蓬一笑奚爾爲怨遲羨
速無休時沙頭漠漠杏花雨依舊年時檣燕語

觀漁

林光漏日煙霏濕鷓鴣族立春沙碧湘竿擊水雪花飛鷓
鷄沒入春溪肥銀刀撥刺爭三窟烏兔追亡健於鶻搜淵
剔藪無噍類餘勇未厭心突兀十五五斜陽邊聽呼名
字方趨前吐魚筠籃不下咽手捧瑣碎勞爾還嗚呼奇哉
子漁子塞上將軍那得爾

扣角

東家打麥聲彭魄西家線絲雪能白中間草屋眠者誰不
農不桑把書冊書中宇宙三千年凡幾變滅成飛煙不知
讀此竟何用蓬藿挂逕荒春田東家麥飯香撲撲西家賣
絲糶新穀先生帶經駕黃犢扣角前坡煙水綠

題刊字蔡生

六經四十三萬字古未版行天所秘魯纔得見易春秋書
到漢時猶默記不知何年有爾曹誤我百世惟寸刀日傳
萬紙未渠已宇宙迫窄聲嘈嘈一第竟爲吾子恩辦筆如
椽補龍衮生毋謂我不讀書待檢麻沙見成本

春盤 壬子

菜服根鬆縷冰玉萋蒿苗肥點寒綠霜鞭行茁軟於酥雪
樹生釘肥勝肉與我同味蕘絲辣知我長貧韭菹熟更蒸
狔壓花層層略糝鳧成金粟粟青紅餛飩梅柳紫翠招
邀醉松竹擎將碧脆捲月明嚼出宮商帶詩馥賜幡羞上
老人頭家園不負將軍腹人生行樂未渠央物意趨新自
相續五十三翁日落山三百六旬車轉轂不妨細雨看梅
花且喜春風到茅屋

題曹兄耕綠軒

煙蒼蒼水茫茫鵲鳩喚雨簑笠忙春泥滑滑蒲稗長駕犁
叱叱牛力彊高田低田齊下秧隔林人家炊黍香有來饁
者雙屨忙煮芹燒筍各有將小休吾牛飯前岡共洗老瓦
沾村場相與醉語墻下桑此爲爾詩幾幾章轉頭罷耜秋
風黃鳴呼吾人讀書正如此諸人讀書不如睡君不聞建

秋崖小集金
隆聖人之玉音者也之乎助何事

排門夫

一家一夫排門起五家一甲單出里夫須襤褸潦霧愁與
官輸木供邊壘沙場草青 運衰軍書抵急飛塵埃官須
排杖二十萬巖邑配以三千枚黠貪分頭按掌唾田里寧
容高枕卧望青徑指三尺墳踏白邀爲萬金貨殘爾豕爾
勿嗟爾行取金錢寧爾耶小人所憂在一飯政坐爾豕殘
吾家待我舉火者百指母已癯病兒垂髮社朝凌種亦已
芽秧田未翻生薺花吏呼勸農今幾日典衣已供塘塌册
九年回首奈若何夢遶江南與江北

田園居之右闕小室曰耕雨醉題壁上

南岡北岡鳴鶉鳩高田低田俱怒流一簑煙雨駕嚴觥老

手猶在吾何憂燈火半生書作祟幾欲送窮窮不去吁嗟
先生誰使汝苦要革革換雙屨如聞雙屨得有辭向來棄
我君何之百無一成唯忍飢胡不爛煮秋崖詩歲晚相期
亦不惡莫更將書累牛角併煩說似下邳侯爾輩方當東

高閣

豆苗

江南之筍天下奇春風匆匆催上籬秦郵之姜肥勝肉遠
莫致之長負腹先生一鉢同僧居別有方法供齋蔬山房
掃地布豆粒不煩勤荷煙中鉏手分瀑泉灑作雨覆以老
瓦如穹廬平明發視玉髯磔一夜怒長堪冰苴自親火候
淪魚眼帶生芼入晴雲盃碧絲高壓涎滑蓴脆響平欺辛
齏葷晚菘早韭各一時非時不到詩人脾何如此雋咄嗟

辦庾郎處貧未爲慣

黃宰致江西詩雙井茶

黃侯授我以江西詩禪之宗派淪我以雙井老仙之雪香
磚爐春着兔毫玉石鼎月翻魚眼湯夜窗搜攬十年讀候
蟲鳴秋聲殷墻廼翁詩家第一祖不用棒喝行諸方掀翻
杜陵自作古夜半衣鉢誰升堂單傳橫出二十六未許歛
梅洪雁行雅聞滕閣藏墨本欲往從之山阻長牙箋大冊
忽在眼荒苔茆屋森珩璜東湖柳色入眉宇君其幾代之
諸郎不離文字話祖意傳燈官與雷山房寧知三生受昏
關縱有此燈無此光宜州戍樓山月苦茫茫參到無何鄉

非瓊花

舊傳瓊花無與雙專奇擅美名此邦江南清夢入詩府安
得一念令心降去年騎鶴揚州住斗酒屢眠雲霧窗月寒
雪冷花未吐正爾俗葉凡株椿心期妙處在真實不假羽
節青霓懂今春訪花吾第一自折繁枝盛翠釭橫看倒睨
掉頭語前語後賦何其吮真珠碎簇玉蝴蝶直與八仙同
一腔聞名見面足笑筦強爲花辨幾愚蠢有如巨賢雜羣
小望而可識爲奇厖陳餘張耳信相似一等人耳無純尨
忠耶佞耶豈難別祝鮀不類關龍逢試持此論訊后土謂
予不信如長江

再用韻酬朱行甫

夢中翠鳳飛來雙駕言后土遜名邦手持玉簡判紅紫歛
袂欲以詩城降翠容喜動日月角揖我入對玲瓏窻爲言
瓊花返蓬閣下界久矣無根椿乃今存者慶本耳補亡以

給青油幢人閒識真蓋亦寡載酒嘉賓寧論釭黃冠誕謫
謹勿信傳說聽舛其言唯爲花作辨誰氏子謬妄譜入黃
鐘腔耳庸目陋惑世俗其罪不能三赦憲朱雲之孫亦奇
士文有氣骨豐而厖謂瓊赤玉匪爲白不比俗論紛茸厖
詩筒往來捷於響夜發嚴鼓聲逢逢咨爾岳爲謝此老壯
哉寸管飛濤江

月下大醉星姪作墨索書迅筆題爲醉矣行

吾醉矣吾醉矣醉語誰強難舉似何年開闢有乾坤日月
左旋如磨螳尊盧赫胥一聚塵檣杙春秋幾張紙道家者
流李老君儒家者流孔夫子等一浮名世間耳烟霏霏冢
纍纍青山良是白骨非欲呼古人呼不醒待呼得醒將何
如世情冷暖翻覆手人生短長屈伸肘安用黃金印如斗
君不見顏子白頭纔十九要與彭鏗骨同朽天地荒老生
古愁所不負予如此酒千古在前萬古在後着我中間渺
然何有亦知本是麋鹿羣那解作人牛馬走白魚如玉紫
蟹肥秋風欲老蘆花飛酒酣月落唱便住螭虬蟠攫霜毫
揮吾婦曰君醉耶吾姪曰非醉也謂吾醉者固不然非醉
亦非知吾者花影滿身扶不起此紙不知何等語明朝早
與醒者傳笑倒渠儂吾醉矣

齋中學宮

竹外一燈青殘書伴古廳葉乾聞雨急山近覺嵐腥多病
身爲累無心夢亦靈明朝有癡事須到采芹亭

山居二首

我愛山居好林稍一片晴野煙翕諄語春水初閒情蘚石

隨行枕藤花醒酒羨吾詩不堪煮亦足了吾生
我愛山居好紅稠處處花雲粘居士屨藤覆野人家入饌
春燒筍分燈夜作茶無人共襟抱煙雨話桑麻

不寐

不寐何爲者幽居事更稠怯風思鶴冷聞雨爲花愁草合
妨遊屐沙崩壓釣舟春簑故無恙欹枕數更籌
不寐何爲者閑人最號忙釀方傳得法詩未足成章藥草
霜多損寒蔬雨半荒幸無天下責夔高在巖廊

知郡陳告院挽詩

舊隱真僊宅論詩得老干雲沉梅屋古書擁雪燈殘一棹
橫秋色九華生暮寒空餘青眼在官作故人看

寄姪

爾亦爲貧驅窗間硯欲枯自從村墅別曾到峽山無寒圃
應肥菜秋霖怕損租有書供夜讀時一喚吾雛

宿奉聖寺下

幽寺隨人換茲行亦屢逢飯多依釣艇宿喜近僧鐘野水
連秋暝溪烟急晚春誠齋題石老細讀得從容

寄湯卿

書冊依官屋何如自在身且無山得看猶有竹相隣性野
同書懶詩癡易藁頻便歸吾已俗往往白鷗噴

舟次嚴陵

與雁分洲宿連雲做夢清江風月事老野雨客心驚潮急
仍吞瀨更寒不過城子陵吾所避策外底須名

熱甚有懷山間

秋山小集金
終是山間別寒泉在脚邊戲魚爭美蔭啼鳥破佳眠山寂
夜如水僧閒日抵年欲來來未得肩斗救枯田

聽雨

竹齋眠聽雨夢裏長青苔門寂山相對身閒鳥不猜客應
嫌酒盡花却爲詩開莫下簾尤好恐妨雲往來

送子用弟遊學番禺

頓覺溪流滑番湖草欲春船輕攜硯易家近寄書頻山雨
同離別寒窗自寵珍但於燈火夜報子倚門親

唐律十首

雲木上蒼冥行藏只草亭雁隨秋到早山入市來青投老
餘漁具能詩例鶴形髮根風露入肺渴喜初晴
盡日此徘徊青粘雨屢苦鳥聲穿戶去暝色過溪來象齒

鋤鞭苗銀刀層繪材空山人自老醉眼向誰開

有客其攢眉蠶叢事可悲渡瀘諸葛表哀汴老韓詩誰又

青冥鉞吾方白接離神謨自堅定豺虎莫恫疑

松露滴溪幽山寒草遯秋蔓藤行伏兔野竹上牽牛日月

雙車轂乾坤一傳郵功名成底事何苦覓封侯

捲雨對遙岑詩寒不自禁猿猿三遯小虎豹九關溪道眼

虛空界閒身自在心荷鋤今亦倦年與病相尋

老去脚猶輕吟邊不杖行孤亭溪野色高木易秋聲歲事

纔中熟山居亦太平不辭遭泥飲謹勿殺能鳴

經月魃爲妖連宵雨似潮山田禾側耳野漲樹平腰古語

天難做民生日不聊忍飢吾亦慣古色一簞瓢

寂寞斷過從行山又一重煙村秋色畫茅屋夕陽春得句

多題竹觀書半倚公心閒身已老悔不早歸農
谷口豈其卿胡然朝市爭遠山長晚色幽鳥乍春聲老覺
人情薄閑於世累輕早紅香可飯何必又魚羹
吾亦愛吾貧樵山採墮薪百年雙短鬢九職一閒民秋蔓
茶僧老春泓酒母淳兩生誰可致此亦不關身

伯歛浦

此路難爲別丹楓似去年人行秋色裏雁落客愁邊霜月
歛寒渚江聲驚夜船孤城吹角處獨立渺風煙

重陽

古岸維舟夜蕭蕭秋葉丹野煙連竹暗江雨灑燈寒亦喜
重陽健誰知行路難吾親應念我更把菊花香

九日

逢人提菊賣方醒是重陽山曉雨初霽江秋樹亦涼年華
猶故我烽火更殊鄉有客那無酒令人憶草堂

秋曉登山

登興在丘林其如老見尋身餘持蟹手脚負看山心秋色
蒼厓暝曉籬黃葉淡唯應負苓者來往古松陰

道中連雨

老屋村春急歸鴉半暝煙斷厓畱宿雨野水沒春田昨夢
山須記幽情鳥不傳也知晴更好草木已爭妍
蚤晏逢人問荒村店亦稀竹輿穿雨過沙鳥帶雲飛野渡
疑無樹春山儘有薇不緣詩是伴誰與倚荆扉
塵蝕貂裘敝吾生奈爾何雷聲春蠶怒山意暮寒多窮不
彈長鋏歸應負短簑自知機事淺或可共鷗波

次韻酬其父

心事一鷗輕郵籤夜卜程春寒眼對雨別久語連明硯有詩能秀山於夢亦清歛溪多老石一一待題名

再用汪卿韻

畢竟春晴好楊花也送行驛程寒冉冉江樹曉晶晶水長船能駛詩多檐轉輕江湖吾倦矣茅屋幾時成

次韻別元可

帆帶春風夢鷗知遠客心暮愁隨雨歲逸興與江深書不厭頻讀詩須放淡吟絕憐寒食酒與子不同斟

次韻趙尉

昨過騎驢尉香深茗一杯春寒春且住芹老燕初來山自相知甚僊今安在哉晚洲分鷺宿了不受嫌猜

送別薛丞

題遍南牆玉與春相伴歸花明晴岸濶帆轉暮江肥鷓老催紅藥雲香近紫薇檣竿兩燕子也帶笑聲飛

山墅

竹逕裏茅茨荒煙晚未炊禽爭灌木吠犬守巴籬涉世終於拙歸田已自遲老親頭白盡眠雨話吾私
山返雪雲低荒蕪略有蹊逢人多說虎隔塢忽聞鷄寒割蜂房戶晴分麥町畦邇來神亦健薄飯厭羹藜
且莫嫌窮僻山居儘自奇候樵分玉蕈熏穴得香狸杯雉明冰片崖寒孕雪芝不遺吾一美慙爾野人爲
近况居然野稱呼只豎民有詩供課最無債惱比憐性亦無嫌懶人多不解貧每過田父宿吾自認吾真

牛背夕陽暖沙頭霜葉寒酒生寧可薄橘老尚多酸友昔
幾相賣山吾素所歡墻陰有茅茨畱得菊花看

趙尉催築秋崖

只爾三間屋吾貧未易云與山先定謚有客屢移文竹喜
今年活梅從隔塢聞猶嫌灌園力多爲讀書分

送王尉歸觀

喜有吟詩癖吾儕得往還客惟依竹語官只似僧閒夜雨
燈誰共秋崖藁未刪柴門黃葉下別後正須關

離括日子安湯卿子貫同宿天寧

數月蒼州住山猶有故情雨如知去日詩亦了行程官柳
因寒損僧茶帶雪清怕無書信便一夜語連明

次嚴陵

二月寒如此楊花不受春路生籌店早家近夢歸頻白鳥
無塵事青山自故人幾時茅屋下卜與爾爲隣

寄曹雲臺

尚記梅花否相看只有君官辜清夜夢去管華山雲帆到
知何日詩今瘦幾分惟應問安處曉角月中聞

次韻王尉致香

客有知吾癖能分一雪涼只將詩意思自與夢商量竹密
雨聲雋窗深山意長研朱對周易老鼎亦英揚

次韻田園居

帶郭林塘儘可居林田雖少不如歸荒煙五畝竹中半明
月一間山四圍草卧夕陽牛犢健菊畱秋色蟹螯肥園翁
溪友過從慣怕有人來莫掩扉

次韻閑中

玲瓏壓轡繫絨鞍付與詩人洗眼看老子只憑雙脚健梅
花相對一溪寒吾生焉往不三黜此樂未央并四難併與
竹間孤鶴語倦飛底用插脩翰

竹下

松陰竹影當行窩日日扶筇一再過與世無求干牘少對
人可語笑談多一夔一契付公等某水某丘如我何歲晚
只愁年穀盡杞其毋棘菊毋莎

山中

久無筋力踞虬龍西崦東塘漫倚筇白練帶隨紅練帶木
夫容並水夫容寧消幾兩生前展忽憶當年飯後鐘孤負
草堂今夜月徑眠誰與吐奇骨

答趙玉汝

人間無處不風波潮打西興雨一蓑難與命爭俱老矣徑
尋詩去奈吾何園成次第自花草山是知聞空薜蘿賴有
月明千里共煙寒數筆落行窩

梅邊約客

昨日今日雪欲落一梢兩梢梅正開攜壺野亭醉復醉折
簡故人來不來山翁意重百金直俗士面有三寸埃臨風
歎息重歎息玉飛片片相徘徊

次韻梅花

歲晚何人官卜隣梅於我輩最情親兩山盡是經行處一
雪不知多少春先後花隨人意思橫斜枝寫月精神寒香
嚼得成詩句落紙雲烟行草真

次韻鄭摠幹

原四首

底須咄咄漫書空，未覺人間欠此翁。黃犢自隨諸寂寞，青山亦諱話窮通。人方怒及水中蟹，我亦冥如天外鴻。醉眼不知人幾品，久將樵牧等三公。過從一笑酒瓶空，不是樵翁卽釣翁。偶種竹成俱崛強，旋移花活尚神通。前身已化歸遼鶴，醉帖猶傳戲海鴻。新貴少年吾自老，世間白髮幾曾公。

書戴式之詩卷

石屏遊諸老間，蚤得詩名又蚤諸。老凋謝，獨石屏歸然魯靈光耳。予生後二十二年，纔此一識。秋風別去，因書數語集中。

七十行年戴石屏，同時諸老各凋零。扁舟歸去白漁舍，冷骨秋來更鶴形。天地無情頭盡白，江山有分眼終青。剡溪定有人乘興，月下柴門不用扃。

石孫受命

聖澤如春雨露寬，棄遺猶不絕衣冠。萬釘寶帶翁無分，一幅花綾孫有官。得免白丁何啻足，親曾黃甲不堪看。九經幸自瀾翻熟，但守青燈雪屋寒。

夢陳和仲如平生，交有三言覺而記。其一曰錯後亂，夢中了了以爲事。錯之後此心撩亂，不如早謀其始也。

睡殘寒月海東頭，不起斯人孰與遊。天下事寧堪幾錯，夢中語亦戒前籌。江湖浩浩二三子，風雨寥寥十五秋。莫向斷雲多感慨，孔顏無命不伊周。

次韻滕和叔投贈

原二首

白髮相過各暮年，顏間老氣自軒軒。滄浪世供硯心猶在博，雅藏書手自翻。舉世共知名父子，此身莫負晦翁門。重陽風雨何堪別，只和名章當贈言。

次韻汪宰見寄

原二首

半世青燈眼欲昏，誰知曾亦望中原。雨荒塞草秋如洗，雪擁春簑夜自溫。寵辱易生分別想，是非政可鴟菴吞。不論茆屋鉏犁外，但守平生六二坤。

感懷

獨擅松風一壑哀，竹門雖設爲誰開。宦情已矣隨流去，老色蒼然上面來。已慣山居無曆日，不知人世有公台。天生此手終何用，只解持杯亦快哉。

三十年前氣挂天，老來身世竟茫然。窮愁正坐識丁字，生事不聊稱子錢。得見古人千載上，已忘今我一漚邊。劉伶墳上寧須酒，併與聲名不用傳。
異人曾授相牛經，奇字初傳瘞鶴銘。敲月不知僧某甲，鉏煙賴有老畦丁。山靈呵護閒居賦，象緯森羅處士星。俯仰中心無愧怍，芋區瓜隴亦朝廷。

去國何年老一丘，於今已換幾公侯。不知我者謂爲拙，是有命焉那用求。舴艋舟應容釣蟹，麒麟閣不畫騎牛百年長短身。餘幾付與西風汗漫遊，野壙風高一欠伸。平生俯仰已成陳，老天無意獨窮我。直道有時能誤人，悔不可追身是膽。怒何堪觸腹生鱗，忍飢罷乞祠官祿，只麼扶犁亦幸民。

非干寵辱不能驚一付之天莫我櫻舉世忙時贏得懶是
人愛處放教輕生為柱國身何在死象和連豕亦平千古
在前兒戲耳且容高枕聽秋聲

從古幽閒在澗阿不將齒髮犯風波共知韓愈亦人耳子
謂伯寮如命何野處生成盤谷序襟期寫在醉時歌尚嫌
山淺人知處更與移床入薜蘿

挂上風烟更一層瘦藤對倚玉峻嶒左花右竹自昭穆春
鶴秋猿相友朋五畝園為終老計半間雲住在家僧蹲鴟
生如菰如臂莫道山翁百不能

四壁空空長物無松風之外復何須竹夫人爽夜當直木
上座耀新給扶老去雲山空跌宕秋來風月不支吾何人
能敗吟詩興自在成章不欠租

贈謝翁老之句

曩昔行藏已熟籌最為上策是無求看人面孔有何好如
此頭顱只麼休草草園廬山北住匆匆歲月水東流莫因
一片梧桐葉瘦損能詩沈隱侯

山居

春溪甘滑漱山瓢歸卧藤陰薜逕遙雲氣釀成巫峽雨松
聲寒似浙江潮書生與世例迂濶山意向人殊寂寥却喜
庾郎貧到骨非畦時一摘煙苗

次韻行甫小集平山

原五首

客愁聊以酒防閒非復春風桃李顏北望未忘諸老在中
興已是百年間非無煙雨無奇語自有乾坤有此山楊柳
豈知興廢事夕陽依舊舞腰蠻

聞罷

面骨巖稜不入流，放歸何止四宜休。東書自可供兒讀，斗酒聊須與婦謀。舊藁如山應有語，老夫於世本無求。一犁春雨平生事，莫與諸公作話頭。

舊傳有客謁一士夫，題其刺云：琴棋詩酒客，因與談笑戲成此詩。

癡書到底成何事，只有窮愁上鬢絲。鑄錯空糜六州鐵，補鞋不似兩錢錐。誰歎莫逆溪山我，幸甚無能詩酒基。依舊挂書牛角去，笑渠到底是書癡。

十二月十日

酒醒開門雪滿山，徑穿疎竹上危欄。溪山與我俱成畫，草樹惟梅大耐寒。雷伴夜深銀鑿落，莫緣春近玉闌珊。老枝擎重俱詩嚼，一洗相如渴肺肝。

上巳溪泚

舫艫舟輕暖欲酣，鷓鴣杓重老何堪。風霜兩鬢五十五，楊柳幾番三月三。袂帖又逢今癸丑，蘭亭仍是舊東南。死生政亦尋常事，却笑諸賢苦未諳。

雪後

雪後山齋鶴睡殘，登臨等得蘚泥乾。毋多酌酒亦成醉，儘足看梅不道寒。籬落十分春意思，人家一色玉欄干。小詩未就水生硯，洗盡人間渴肺肝。

簡王尉

買書終欲寄幽村，檉樹籬遮水際門。滿聽秋聲移竹母，徑眠明月枕桐孫。諸公未逸市朝累，六籍坐爲場屋昏。有客不來吾亦病，欲推此語與誰論。

歐陽相士謁書諸梁權郡詩以代之
江臯誤洗荷鉏手，滴盡滄浪書滿家。第一諱窮人謬甚，再
三稱好子虛耶。霜眠茅屋可無酒，春到梅梢怕有花。煩見
歙州梁別駕，爲言詩骨雪槎牙。

次韻鄭僉判

不論山北與山南，是處移將竹兩三。亦愛村深工部屋，尚
嫌門對相公潭。夕陽歸鳥占花塢，山雨飯牛規草庵。口挂
壁從生白醜，是中除酒百無堪。
詩窮不易辦亭材，只恁荒寒處處苔。種秫便當終老去，愛
花能有幾人來。生前儘足竹三籜，身外無窮水一杯。未必
諸賢知此意，柴門雖設不曾開。

涉世曾經幾折肱，徑須歸卧北村燈。往來屑屑無家燕，去
住匆匆且過僧。浦溆舟寒秋婉婉，江湖人老雪鬢鬢。草堂
便在山溪處，無復尊鱸累季鷹。

九日集清涼佳處

老筆盤空墨未乾，最佳處與着危欄。江山分與諸賢管，風
雨專爲九日寒。白髮自驚秋節序，黃花曾識晉衣冠。未須
計較明年健，別做茱萸一等看。

春行

蘚石闌干一欠伸，垂楊無力不禁顰。清明此去幾何日，燕
子未來誰可人。病起不知雙鬢雪，雨中老却一分春。西山
雲卧蕨拳紫，待約溪翁飽食新。

宿耕舍

題詩薜壁墨花新
俛仰之間迹已陳
檢點不同今老大
受持只是舊清貧
蓬蓽笠漬班班雨
荷葉衫枯藪藪塵
枉廢春鉏成底事
重來慙見耦耕人

送史子貫歸觀且迎婦也

久住西湖夢亦佳
鷺朋鷗侶自煙沙
江行楓葉幾何里
春到梅梢次第花
儘有好山容對榻
却因吾子轉思家
青燈書冊夜深雨
莫爲乘鸞學畫鴉

陪吳總侍集研山用趙端明送行韻

煙波畫出暮江天
着我蘆花明月船
官滿只稱前進士
路貧休問小行年
一歸已後陶元亮
衆論寧無班孟堅
不負登臨重九約
過江猶及菊花前

次韻王尉白事莫府

一癡便了公家事
儘可與詩寬作程
書冊不嫌官屋冷
香匱相對歛溪晴
熟知白鷺難爲伴
煩見青山且寄聲
此別不過旬日耳
又攜孤嘯上江城

立春

初信東風入綵幡
自挑雪齋釘春盤
土牛又送一年老
野鶴不知三逕寒
筋力尚堪耕綠野
鬚毛併欲挂黃冠
無人共跨南山犢
更作尋花問柳看

立春前一日雪

曆眼看看剩浹旬
山河大地一齊新
不成過臘都無雪
只隔明朝便是春
夜半有誰過剡曲
年豐無處不堯民
草亭只在梅花外
知與人間隔幾塵

聞雨

夜聞一霎雨，霎雨春着村。南村北花紫，綿撲撲海棠。鷓翠
毳茸茸，沙蔣芽遊芳。要非老者事，幽意自屬山人家。東風
莫漫盡桃李，畱與遶屋深桑麻。

春雨 庚戌

茅齋墜坐日日雨，竹杖長閑處處苔。半面不曾梅別去，四
愁無奈草生來。好山能費幾兩屐，勝日須傾三百杯。說與
海棠毋造次，不論早晚待晴開。

雨中有感

山蟄驚塵已發聲，移花移竹正忙生。相成老子一春事，只
費天公幾日晴。何以消憂惟酒可，無能爲役以詩鳴。身其
隱矣，名安用寄語諸賢。月旦評。

次韻徐宰集珠溪

山家鳧鷖散平田，沙路雲深屐屨穿。半醉半醒寒食酒，欲
晴欲雨杏花天。春能醞藉如相識，柳自風流未肯眠。野老
不知詩思好，但言啼鳥亦欣然。

僧不須敲飯後鐘，自攜茶去借松風。斬新山色佛頭綠，依
舊桃花人面紅。春甕貯水槌玉螳，夜堂烘蠟綴釵蟲。山靈
共欲畱人住，新月隔溪煙霧濛。

過北固山下舊居

池塘燕子舊人家，楊柳春寒一逕斜。夜讀自生書帶草，朝
飢曾對米囊花。侯誰在矣山如昨，今我來思鬢已華。舍館
不知何日定，竹輿鳴雨又呶啞。

約君用

十日春寒挾雨俱，新晴物色總歡娛。花曾識面若含笑，鳥

不知名時自呼流水短橋宜畫取暖風遲日有詩無儻來
須蠟登山屐村北村南路欲無

上冢

煙水初平穩放閨解纓聊復濯滄浪每年上冢天無準是
處下田春正忙歲月可驚寒悄悄賢愚同盡綠茫茫早知
識字能爲祟不廢吾翁百本桑

一杯麥飯酒悲辛不盡煙蕪舊與新地下豈無檐板漢世
間但有乞墦人荼蘼芍藥幾何日寒食清明又一春自是
老懷多感慨非干芳草負蹄輪

春日雜興

殘雪初消月正明茅簷自雨竹窗晴肩寒聳聳吟詩骨肺
渴泠泠醒酒羹苟有梅方成野趣不多松亦作江聲高人

合着山巖裏縱有窮愁徹底清

吾生身世信天緣一死何須較後先未怕時逢真太歲或
言壽過古稀年窮餘祿料罄百瓮醉負生涯囊一錢又見
山林春意思辦隨芳草落花眠

天與之愚竟不移經年兀兀槿花籬拙於生事可無粥工
乃窮人賴有詩只恁廢休身是客知何以故鬢成絲寒欺
雪屋青燈夜六十猶癡始是癡

鶴骨嶄嶄疾未瘳怯行山亦倦登樓久知老去事當爾自
入春來雨不休虛器甚慙居士屨實封難覓醉鄉侯小遲
須有佳晴日待試山翁已健不

春來多病感顏齡草藥泥瓶不暫停身似漏船難補貼齒
如敗屐久凋零炎黃豈解留年壽莊老聊堪悅性靈長劍

拄頤兒戲耳底須麟閣更圖形
高下雲藏野老家縱橫水漱竹籬斜
勒將春去許多雨流出山來都是花
白首風煙三逕草清時鼓吹一池蛙
身閑不耐閑雙手洗甌炊香夜作茶
南岡北嶺對窗扉看盡朝嵐與夕霏
社後未曾聞燕語雨中誰不惜花飛
山醅約莫幾時熟沙筍輪困一尺圍
莫怨風光損桃李荼蘼芍藥又芳菲
衝雨衝泥處處行物情殊不可詩情
牡丹又是一年過春事略無三日晴
先後筍爭藤薛長東西鷗背晉齊盟
山居寂寞誰堪共杞菊菊苗俱可耕
綠陰芳樹鳥啼春與客相攜發興新
半落杏花初過雨微酸梅子已生仁
每尋詩去必遷坐穩跨牛歸不問津
筋力

尚堪簞笠在莫欺老子髮如銀

山中

山中從事亦賢勞安得眠雲獨自高
兩席地栽青紫芥一株樹接碧紅桃
春風多可移花性夜雨無聲入土膏
那辨工夫到詩句溪燈穿屋未編茅
人間久矣倦迎逢歸路牛羊帶夕春
千點梅沉山店月一溪煙咽寺樓鐘
窮猶羞澁巉巖面老自平夷磊砢曾
曾笑古人多晚謬草庵雖小幸相容

山行

亦愛盧仝屋數間野猿臯鶴共躋攀
纔登樓見一溪月不出門行十里山
有興自攜殘藁醉無人得似老夫閒
樵青莫掩柴扉路畱與春風作往還

住世間須出世間世情何事苦牽攀
蟠曾自作三分國觀面相懸
兩戒山大好閉門贏得睡不多
識字煞妨閒長鬚赤脚頑於我
未必淳風不再還

約黃成之觀瓊花予不及從以詩代簡

杜宇聲中鬢欲華春風將綠又天涯
欠隨江夏無雙士共看揚州第一花
想像煙雲人跨鶴淋漓詩句字栖鴉
蹇驢不管唐衫濕醉兀歸鞍暮雨斜

夢尋梅

野迳深藏隱者家岸沙分路帶溪斜
馬蹄殘雪六七里山嘴有梅三四花
黃葉擁籬埋藥草青燈煨芋話桑麻
一生煙雨蓬茅底不夢金貂侍玉華

逕作竹

趙龍學寄陽羨茶爲汲蜀井對瓊花烹之

三印誰分陽羨茶自煎蜀井淪瓊花
數間明月玉川屋兩腋清風銀漢槎
團扇烹來奴僕等老龍畢竟當行家
相思幾夢山陰雪搜攪平生書五車

蟹窩

百年三萬六千場擬挈乾坤入睡鄉
世事何常雲聚散古人安在草荒涼
不禁杜宇催春老莫怪吳蠶作繭忙
已擅一丘吾事足人間蟻垤自侯王

夏日簡王尉

松蘿爲屋芰荷衣只與鳧鷖共釣磯
雌霓橫溪遮雨斷雄風吹霧作塵飛
山林誰可閒來往世俗難論真是非
頗喜雪舟王逸少夜涼吾欲扣齋扉

黃倅饒蠶一徐尉饒蝥蟬十同時至

誰饒螯如徑尺盤更分螯似惠文冠麴生醉嚼玉五穀
客生翻珠一簞我與爾元同齋動寔哉烹亦到蹠跚不知
南食詩何似待問昌黎老子看

熙春臺用戴式之韻

山城無處着鰲頭與客相攜汗漫遊六月亦寒空翠合一
溪不盡夕陽流有蔬笋氣詩逾好無綺羅人山更幽白雪
翻匙秋已近洗吾老瓦起相醅

宿芙蓉驛

鳳皇山下芙蓉驛零落殘碑半蝕苔黃鳥有時穿戶過青
山無數摺溪迴麥秋天氣牛明暗蠶月人家忌往來俯仰
十年如昔耳舊題剝落已塵埃

寄至能

江上歸來卽定巢墻陰野竹破新稍有人問字時相過無
事觀書手自抄世態十年多客夢月明千里少朋交茅齋
亦有秋崖藁畱與青山作解嘲

山中

此身只合着林泉安得纏腰十萬錢百事懦無拖地膽一
生愚似信天緣青山有約不知老黃犢與人相對眠問訊
春簑故無恙亂雲深處更超然

茅茸山堂竹打籬尚餘老鶴共襟期一生朝市幾何日五
畝園林都是詩身後誰澆胷磊磊命中不帶印纍纍薄田
有秫聊堪釀儘足秋崖作受持

老去筋骸轉覺衰閒忙猶復費支持傷山新接龜頭屋爲
菊重編鹿眼籬仕宦已忘如隔世力田斷不似逢時北窗

高卧美無價山鳥竟知吾是誰
古木蒼藤自一丘草廬吾亦愛深幽斷無俗物敢排闥儘
有好山堪倚樓已老始知書作祟不才寧與命為仇不牀
只在松陰底拳手支頭百不憂

過李季子丈季子晦庵門人也

易在牀頭注未成晦庵往矣與誰評淡衣靜對山逾好語
錄重抄眼尚明春晚有詩供杖屨日長無事樂鉏耕家風
終與常人別只聽芭蕉滴雨聲

獨往

黃冠野服隨孤鶴竹逕松岡其往還
不官避人當道筍相看如客對門山
窮居作計未為左造物於吾本不慳
徑掃石床供晝寢自吟詩骨尚堅頑

趙尉送菜

虛老空山學圃翁荷鋤頭白雪鬢
鬆芥臺如臂何曾夢菜腦生筋漫自供
不料官園蒼玉束絕勝禁鱗紫駝峯
更煩詩手剪春雨剩與一番風露習

江尉見過

夢筆諸郎住筆峰斷橋春水官過從
千巖萬壑真僊吏兩屨一簑予老農
鐵硬脊梁長偃蹇糊塗面目易迎逢
半生誤我難相誤只許秋崖獨自憇

山中

莫怪山翁老更迂竹庵終日一團蒲
萬言萬當不如默百技百窮同是愚
往事自驚天大膽近詩空撚雪成鬢
未憂卒歲無衣褐紫鳳天吳拆海圖

半塢幽深近物情一節老健愜山行月於水底見逾好風
打松邊過便清鶴睡不驚春藥白鳥啼時作讀書聲山翁
兩手渾無用只把犁鋤做太平好作白
剝蕪荒寒地百弓儘供弄月與吟風太平世界豐登外小
有洞天閑適中野服染成駝樣褐山花開到雁來紅夕陽
籬落誰呼喚盃酒蹄肩賽社翁

入局

雁鴛行餘紙尾箱岸湖老屋壓題籤印文生綠空藏積草
色蟠青欲刺簷茶話略無塵土雜荷香剩有水風兼官曹
那得閑如此亦奉一囊慙屬狀

水月園送王侍郎

送別孤山步遶湖關千盡處倚孤蒲翁之樂者山林也客

亦知夫水月乎萬事不如歸自好百年聊與醉爲徒藕花
初醒蓴絲老喚住曾船鱸腹史史作腹

登瓜步山

繫船孤嶼重躋攀衰草荒烟亦厚顏丁日不爲春燕許卯
年猶放佛狸還諸賢所恃江千尺此肩奚爲第一間欲訪
前朝無故老浪痕自濺蘚花斑

古巖

廿年前此借僧單畱得松聲入夢寒歲月可驚吾輩老風
煙仍作故人看山泉與佛結茶供石屋無人蝕蘚癡亭角
雨晴秋更碧斷雲片片泊欄干

次韻程料院

原二首

久矣寒窗美曲肱絕交書到短檠燈向來問舍漁樵侶宿

作歸堂粥飯僧耕罷夕陽牛穀睡殘明月鶴鬚鬢年來
老懶略相似見兔何能便放鷹

月夜

人間執熱難爲睡起聽松風眎月明天淨略無雲一點夜
深已是鶴三更自經秋後可曾雨纔入山來如許清能得
幾多殘暑在草根何處不蛩聲

月墅

老我初營茅蓋頭墅成林壑恰中秋詩人例合三間月餘
子從教百尺樓已斲荒畦秧早韭旋呼老瓦壓新笏客來
問字煩傳語扣角前岡政飯牛

送胡兄歸嶽

風飽橫江十幅蒲秋聲正有玉花鱸淮堰一夢雨中別嶽
麓諸峰天下無場屋抵須新議論書堂更做好規模未知
雪逕青燈夜誰記臨分岸岸蘆

旅思

索米長安鬢易絲向來書劍亦奚爲無詩傳與鷄林去有
賦羞令狗監知兩戒山河饒虎落五湖煙水欠鴟夷喜無
光範三書草此段差強韓退之

寄友人

面熱青山亦故人霜逢官負月鄰鄰如聞行李且家住未
必梅花知路貧薺老自堪供野飯曾寒誰與鱸溪鱗商量
只有歸耕是不料歸耕也誤身

山行

歲晚誰同澗谷槩一牛呼犢野煙寒村如有雪蕎花白山

未著霜桐葉丹是處豐登茅店酒老夫閒散竹皮冠醉歸
更草郊居賦傳與詩人作畫看

次韻山居

孤亭危受衆峰朝歲晚移床借避囂梅次第花春漠漠鶴
相隨睡夜寥寥諸公安用怒生癭老子豈爲飢折腰更入
亂雲深處去極知與世不同條
諸老鳴靴日上朝有人幽處厭喧囂江鄉十月稻成熟茅
屋一燈山寂寥天不與生犀挿腦人今能幾寶圍腰從吾
所好寧相誤洙泗壇荒有玉條

湖上

老藤支我步湖濬借與晴光一欠伸楊柳得春青眼舊山
巒留雪白頭新鐵琅璫語尋齋鉢銀鱖刺肥收釣緒有兩
黃冠共棋局相攜便作所歡人

海棠盛開而雨

閉門十日雨淋漓洗盡紅香了未知纔一霎晴齊睡去幾
何人見半開時世無解語玉超脫春欲負予金屈卮自是
晦明天不定非干工部欠渠詩

簡李桐廬

愧面何堪見客星移舟且莫近前汀鷗沙草長連江暗蟹
舍潮回帶雨腥歸去尚餘初繭栗生來能費幾筇筇詩腸
一夜生芒角試問故人雙玉餅

次韻葉宗丞約遊括蒼

一詩不了蒼州債曾泊春沙問水程山自強如吾郡好酒
今聞有括灘清文章未得半分力故舊難忘少日情已斷

每苔新種竹恐無辭與此君盟

秋厓

鑿空爲此名忽已落衆口聊結一間茅承當作厓叟

送胡獻叔守邵陽

寧騎踏雪驢莫驟追風馬霜蹄失銜勒多是快意者

此君室

竹意吾爲誰山日子非我未知回孰賢自贊午也可

禱晴福善

原三首

夜落簷花未肯晴燈寒等不到天明自憐短髮垂垂老一滴秋霖白一莖

題致堂新州坐石

辛亥

蒼寒瘴面新州石直不話頭傳不休秦負儒耶君謨矣二

書今與大江流

稜層不隔梅花嶺萬里相從識兩翁却怪牧牛亭下路石

麟咫尺卧秋風

次韻程弟

原十首

草堂四壁一瓢空舉世無人與我同黃犢山南又山北犁

春猶有古人風

柴門雖設不曾開俗面向人三寸埃却是前溪雙白鷺門

關不住又飛來

此腹寧須文字香漫淹薤薹半青黃午窗一枕齁齁睡世

上何人最得忙

雪後草亭

梅花面目冷於水亦笑山翁草作亭一夜雪寒重整過碧

琉璃瓦水晶釘

雪後梅邊

老來筋力倦登山。契濶梅花幾日間。莫與梅花筋力倦。且推一雪阻躋攀。與君只隔竹巴籬。踏雪過從自一奇。開口便遭花問當。老夫媿面了無辭。半身蒼蘚雪槎枒。直到頂頭纔數花。看盡玉林山上下。須還渠是當行家。花中淡竚只梅花。未見梅中萼綠華。一色瓊瑤裾織翠。尚嫌紅蠟蒂村些。玉蕤五出是天姿。六出時時更絕奇。夜半同參雪花去。春風元自不曾知。

小小茅亭面面寒。玉花能薄雪花乾。今年不是開遲着。等得羣花比並看。

一枝密密一枝疎。一樹亭亭一樹枯。月是毛錐烟是紙。為予寫作百梅圖。

野逕茅茨竹作牆。歲寒曾亦幾平章。高人風味天然別。不益橫斜不在香。

寒雀羣飛最上頭。喙殘香玉翠雲裘。老坡詩裏么麼鳳。待與梅花渠是不。

春風且莫一齊開。雷與山翁逐日來。只恐難將冰雪面。伴渠桃李併塵埃。

觀梅

蒼煙喬木野人家。數掩山籬一徑斜。此老不知何面目。只

將空手對梅花。較似年時劣。不如花頭小小兩疎疎。但令半點微酸在。憔悴空山儘有餘。老樹槎枒只一花。柔條亦不放橫斜。無風無雨無煙月。獨立人間莫怨嗟。

立春

綵燕雙簪翡翠翹。巧裁銀勝試春韶。東風已到闌干北。看見嬌黃上柳條。池痕吹皺綠粼粼。才見池痕認得春。香沁綵鞭旗脚轉。自題蘭帖記春新。

君用致紅梅云不開數年矣

山家已作枯槎看。帶雪移來却自春。一夜揣摩花意思。寧

將醉面向村人

湖上

今歲春風特地寒。百花無賴已摧殘。馬塍曉雨如塵細。處處筠籃賣牡丹。連天芳草晚淒淒。蹀躞花邊馬不嘶。蜂蝶已歸絃管靜。猶聞人語畫橋西。遊人抵死惜春韶。風暖花香酒未消。須向先賢堂上去。盡船無數泊長橋。

社日

燕子今年措社來。翠瓶猶有去年梅。丁寧莫管杏花俗。付與春風一道開。

清明日舟次吳門

原二首

蓬窗恰受夕陽明。楊柳梨花半月程。老去不知寒食近。一篙煙水載春行。

次韻牡丹

原二首

嬌紅深倚翠雲團。鬢三生吳絲。鸞詩眼頓驚春富貴。雨侵衫袖不知寒。

約魯山兄

莫說尋芳已後時。春蔬解甲茗拏旗。松風石鏡晴雲盃。不是吾曹未必奇。

春晚

原二首

青梅如豆帶煙塵。紫葳成拳著雨肥。只有小橋楊柳外。杏花未肯放春歸。

春思

原三首

春風多可太忙生。長共花邊柳外行。與燕泥蜂釀蜜纔。吹小雨又須晴。

道中卽事

原十三

十日山寒雨不休。僕其痛矣得無愁。老夫自愛歸程好。肯爲春泥怨鶉鳩。衡雨衡風莫管渠。晨炊暮食便巾車。能無幾日到茅舍。睡到日高相折除。田翁不省雪糝糊。緊閉柴門擁地爐。自許小庵分席坐。是間寧復着吾徒。

農謠

春雨初晴水拍堤。村南村北鶉鴉啼。含風宿麥青相接。刺水柔秧綠未齊。

問舍求田計未成一簑鉏月每含情春山樹暖鶯相覓曉
隴雨晴人獨耕

小麥青青大麥黃護田沙逕遠羊腸秧畦岸岸水初飽塵
甌家家飯已香

雨過一村桑柘煙林梢日暮鳥聲妍青裙老姥遙相語今
歲春寒蠶未眠

漠漠餘香着草花森森綠長桑麻池塘水滿蛙成市門
巷春深燕作家

題八士圖

飛絮遊絲芳草路淡煙疎雨落花天偶然畫出尋詩意未
必新詩待畫傳

次韻酬率翁

戍樓夢不到中州杜牧新愁亦倦遊畱得荷鉏雙手在山
寒芋粟要人收

但得清溪裹草堂溪頭山色有炎涼秋崖一出四年矣想
見松花滿石牀

夜大風

一夜東風太放顛草塘打破釣魚船賴渠自任修船費無
數亂堆榆莢錢

素馨

雪骨冰肌合耐寒怕寒却不離家山老夫懷土與渠等一
鏹移來得許頑

暑中雜興

是非不到野溪邊只就梧桐聽雨眠睡熟不知溪水長鷺

鷺飛上釣魚船
只鉏蔬甲亦妨閑久與溪雲斷往還今日偶來僧却在共煎茶喫話廬山

漁父詞

原四首

陰陰深樹晚生煙雨急歸來失繫船白鷺不驚沙水淺依然共在綠楊邊

共作其

沽酒歸來雪滿船一篷撐傍斷磯邊誰家庭院無梅看不似江村欲暮天

送劉仲子就試

原二首

小技文章道未尊入時新樣更難論鵝袍纔脫須重讀六籍久爲場屋昏

夢波翁爲予作齋樂齋扁誠齋許畫齋壁予本無是

齋亦不省誠齋之能畫也

晴窗欲曉鳥聲春喚起黎牀入定身老去不知三月暮夢中親見兩詩人

元夕

團蒲曲几雪鬢鬢寒入青燈澹似僧只有梅花一林月酒杯詩筆已無能

去年人老已蒼華野藪山醪辦咄嗟到得今年人又老也無筋力看梅花

莫道山家不挂燈修身寶月一團水清寒照見諸人膽却問諸人見未曾

老去歡悰久已無病來瘦骨不勝扶山居幸自依青士身事何曾問紫姑

買蘭

幾人曾識離騷面說與蘭花枉自開却是樵夫生鼻孔檐頭帶得入城來

茶蘼

山徑陰陰雨未乾春風已暖却成寒不綠天氣渾無準要護茶蘼繼牡丹

卽事

畦丁鞞懶欲誰欺趁我行山始一犁只有山花山鳥笑主人元自不曾知

龍骨翻翻水倒流藕花借與稻花秋魚兼熊掌不可得寧負風光救口休

記得秋風此削瓜偶遺子亦自成花生造化無終極但有根芽未可涯

次韻鄭省翁

買魚聊復醉醜船萬事從來付老天欲辦把茅無計可量吾力更籌邊

題偶愛

每評吾鄉佳山水當以水西爲最奇徑向水西非具眼不眠偶愛不渠知

溪雲莫怪塵埃面更與青山把一杯未省此詩容寫否聞渠曾識謫仙來

行田

屋頭烏臼午陰密牛與牧童相對眠不是官中催稅急十年前已學耕田

九日道中凄然憶潘邠老之句

滿城風雨近重陽。城脚誰家菊自黃。又是江南離別處。煙寒吹雁不成行。

田頭

田頭科斗古文字。石上臼窪山鼎彝。勘破世間煩惱障。醉而已矣不吟詩。

秧田多種八月白。草樹初開九里香。但得有牛橫短笛。一簑春雨自農桑。

題郭氏繼一堂

繼一翁挂衣冠神武門而去。理宗賜處士號。以寵嘉之。虜藻奎文照映千古。名卿大夫自退。傅越公而下。咸為歌詩。所以贊頌之者甚備。岳無所復容其喙。乃為反離

騷以規之曰

徑與三茅借一峰。自攜周易聽松風。隱居本為逃名計。結入頭銜却不中。

漁簑釣艇越中居。底處煙波不屬渠。一曲鑑湖須勅賜。却令鷗鳥費分疎。

逢梅

水僂婉弱山樊冗。我自視之兒女曹。魯直徑令相伯仲。至今未敢廣離騷。

人言草沒孤山冢。從此梅花不要詩。却是未嫌吾輩在。一枝開過竹巴籬。

簡徐宰

兩外茅茨黃葉村。老農相語一燈昏。山深未識新官姓。但

說無人夜打門

受諾口號詰詞謂爾岳精習六藝長言詠歌有風人
和平之意

雪寒月瘦鬢成絲綠底天家聖得知從此江山儘驅使小
民奉勅遣吟詩

入闕

雪龍怒吼出山去二十里雲行上天老去極知詩力退只
將日曆記山川

遊九曲和晦翁權歌

燒藥爐存草亦靈煮茶竈冷水猶清老仙一去無消息只
有飛泉落珮聲

竹遶寒棲蘚徑淺莖莖手種玉成林翠屏向晚無人對猶

識先生一寸心

獨立

村夫子挾兔園冊教得黃鸝解讀書能記蒙求中一句百
般嬌姘可憐渠

蓋俗以其聲為口望非熊

梅花

自插斜枝墊角巾詩狂又有老吟神黃昏酒醒欲歸去月
出山來喚住人

清雋集鈔

八二

鄭震後更名起字叔起號菊山陶連江人早年場屋不利棄舉業更讀書客京師三十餘年歷主於潛諸暨蕭山學晚為安定和靖書院堂長又開講於平江無錫伏闕論史嵩之淳祐丁未鄭清之再相震登其門罵曰端平敗相何堪再壞天下被執與子女俱下獄京尹趙與籌縱之鄭罷相乃免與林虜齋周伯弼為行輩詩有倦遊稿仇山村選四十首為清雋集所南作家傳云得詩十五篇此蓋流落交遊間者所南未之見也

鄂州南樓

淳祐六年冬十月我來獨自上南樓曉霧江山都不見霧收日出城東頭照見漢陽樹照見鸚鵡洲浪濤江漢出岷

峽洞庭雲夢天共流大船如龍捲寒碧小船如葉飛洪溝
湘靈霞佩跨黃鶴洞庭玉笛橫清秋沈寥突兀不可狀開
闔風雨晴煙浮空中一一都照見照見今來古往絲粟無
限愁夜郎逐客心膽大醉欲槌碎醒又休此山此水長不
老英雄消盡山水留何當大雪夜明月摩挲老眼看九州
春風吹雪變紅綿牛羊被野邊無憂

飲馬長城窟

飲馬長城窟下見征人骨長城窟雖淡見骨不見心誰知
征人心怨殺秦至今北邊風打山草地荒漫漫五月方見
青七月霜便寒古來無井飲資帶糧盡乾自從征人掘此
窟成馬飲之如飛朝朝呷一口水暮破千重關秦皇極是
無道理長城萬里誰能比

樵歌三首

上山斫山山丁登下山嵌山山稜層秋殘日暮歸來晚茅
簷洗脚月又明明朝早入芙蓉城
入城不識公與卿行歌道上傍無人衣衫藍縷鵲首結與
妻索笑妻生嗔那知不是朱買臣
山拗築著牧牛兒白石鑿鑿蒙茸披繆公無人甯戚死獨
吹簫粟誰得知不如採樵同路歸

採桑曲

晴採桑雨採桑田頭陌上家家忙去年養蠶十分熟蠶姑
只著麻衣裳

天高高

天高高兮色青青夜沉沉兮星熒熒不知余命何所繫兮

何星

送友人之淮

積得讀書身。從教此道貧。逢秋為遠客。知已是何人。天下
方多事。西風至不仁。但於登眺處。杯酒莫辭頻。

歸去好

歸去豈不好。平田帶淺林。春猿鳴雪澗。晴日轉雲岑。世久
無鳴犢。時當學屈。吾生今老矣。梁甫豈能吟。

病後

漸嬾說功名。修真喜道經。淒涼秋聽雨。空澗夜觀星。有病
色先見。無心夢最靈。塔前風葉響。還又感飄零。

餘杭道上

五年茲路上。頻往又頻還。歲月孤松老。風霜苦竹班。溪流

天目水雲出。洞霄山馬上。因閒眺蜉蝣。宇宙間。

餘杭界早發

早發促程期。籃輿帶月低。山中如白晝。斗下渡清溪。羣動
霜初落。四鄰雞未啼。惟聞兵遞舖。星急過淮西。

喜靜

素來嫌僻靜。今漸與相安。師友凋零盡。年時出處難。春風
雙屐暖。夜雨一燈寒。洙泗曾顏輩。何曾作好官。

宿洞霄山中

入山時八月。嵐氣似淡冬。巖洞生風雨。窠巢落檜松。山中
九重鎖。月下一聲鐘。警省非人世。今秋得異逢。

宿虎丘

到晚歸不去。因而此宿休。雲淡千古寺。月冷一天秋。崖裂

池如束天虛塢欲浮最宜初日上高處看煙收

登荆南城樓

因爲古荆州翻成一段愁孟嘉曾落帽王粲此登樓唐鄧通襄路沱潛並漢流太平官府盛昔日欠來遊

再登南樓

客中重上倚層臺天濶雲收八面開鴈帶岳陽秋曉過浪涵巴峽影西來諸營種柳今何在老子登樓得幾回自是江山雄壯處興亡不必問寒灰

自黃山還途中作

屈指還京十日程每逢歇處問村名春沙脉脉溪初漲夜雨垂垂曉又晴山下有人傳虎出店中炊飯見牛鳴天涯行客無寧日不及田家業在耕

卜居

久欲謀歸力不任浮雲蹤跡謾巢林功名未入屠龍手貧賤常懷買鶴心月下開門微雨過樓頭聞笛二更淺世間萬事俱陳迹空倚西風閱古今

爛柯山

春風萬古洞門開塵世興亡是幾回碁局至今無處覓樵人於此遇仙來飛梁橫跨丹虹影絕頂平鋪白玉堆天下紛紛無好著斜陽下嶺共徘徊

荆南別賈制書東歸

來時秋雨滿江樓歸日春風度客舟回首荆南天一角月明吹笛下揚州

送友人之鄂

湖海聲名落楮紳。由江而鄂遡鱗鱗。煩君黃鶴樓頭看。天下英雄賸幾人。

晚春卽事

輕寒時節牡丹開。葉底青青又見梅。門外數枝楊柳薄。一春鶯燕不曾來。

荆江口望見君山

荆江江口望漫漫。一白無邊夕照寒。只是青雲浮水上。教人錯認作山看。

虎丘尹和靖書院示開講

從前聽者小是日聽者皆多

和靖書堂八面開。新添半席在山隈。若無人聽都歸去。傳語生公借石來。

晞髮集鈔

正八

謝翱字臯羽慕屈平托遠遊乃號晞髮子福之長溪人文丞相開府延平翱以布衣諮議叅軍天祥卒亡匿所至輒感哭挾酒登浙江子陵釣臺設天祥主亭隅再拜號哭以竹如意擊石歌曰魂朝往兮何極莫歸來兮關水黑化爲朱鳥兮有味焉食歌畢竹石俱碎詳西臺慟哭記欲爲文冢瘞之臺南後往來杭睦間與方韶卿鳳吳子善思齊等厚乙未以肺疾死囑妻劉以文與骨授之方有許劔錄其會友之所名汝社取晚而信也每執筆遐思身與天地俱忘語人曰用志不分鬼神將避之古詩韻頌昌谷近體則卓鍊沈着非長吉所及也

宋饒歌鼓吹曲

太祖嘗徵時歌日出其後卒平僭亂證於日為日離

海第一

日離海青曠曠沃以積水涵蒼穹神光隱豹霧空氣呼吸
為蛇龍赤雲衣紫霓從吹白衆宿歌大風天吳遁清海宮
右日離海十四句句十二句句三字二句句四字

宋既受天命為下所推戴懲五季亂誓將整師秋毫

無所犯為天馬黃第二

天馬黃產異方龍為馬白照夜氣汗雲聲響野備法衣引
宸駕騰天垠倏變化閭之餘劇以霸閭八姓瞬代謝駘祥
靈入罟獲皇上帝監于下誓無譁出既馮市日中不易賈
坐明堂朝諸夏賚萬方錫純嘏
右天馬黃二十六句句三字

宋既有天下李筠懷不軌據壺關以叛王師討平之

為征黎第三

黎之壘彌蒼莽逾壺關屬上黨有雄矯健曰餘宿將于故
之思泣示厥像倚孽狐勢方張辨臣獻議勸下太行趨懷
孟虎牢計之上爭洛邑以東鄉王師奄至扼其吭帝授方
畧中厥狀獸窮駭突死卒以燭脅從已逮孥肆放凱歌回
皇威暢 太行依吳越讀如輩行之行

右征黎二十六句句十四句句三字十一句句四字一句
句五字

上親征李重進至廣陵臨其城拔之為上臨壙第四

上臨壙戈耀日韎韞指顧流電疾臯止其魁不及卒其魁
則頑曰予號日出坐于轅門斧以率歸子往諭泣股栗語

中其肝至畢述待不及屏沮回通鞠投于燎甘所即皇仁
闕下焉如字止蹕貔貅徹竈歸數實獲其棘矢納世室

右臨墉二十四句十二句句三字十一句句四字一
句句五字

湖湘亂命將拯之至江陵周保權已平賊出軍澧南
以拒卒取滅亡為軍澧南第五

軍澧南潰飛鳥鷹隼北來龍蛇夭矯帝有初命奉致討臨
於荆妖孽既掃駟而孕雉入蒼莽以保王旅長駟颯振
稿以仁易暴戒擊剽惟荆衡及郴士如林磔其節蠶春葩
秋陰我有造于南尾心切式敷德音

右軍澧南二十句七句句三字九句句四字四句句五
字

王師拯湖湘道渚宮高繼冲懼出迎悉以其版籍來
上為隣之震第六

隣之震震于戶戒登陴徹守御神威掩至不及拒泐楚以
南菁茅宿莽獻于王吏奉厥土天子有詔侯西楚自南北
東皆我疆龍旗虎節拜降王秦戈鞞甲期韜藏冕旒當中
垂衣裳

右隣之震二十句十一句句三字九句句四字

蜀主景懼陰結太原獲其謀六師征之景至以母託
上許歸母數日景卒母以酒酌地因不食亦卒為
母思悲第七

母思悲母子歸母聞帝語妾歸無所妾生并土蜀壁芒芒
奄失其疆初帝謂母子景來小者侯大者王有瘼其肌載

粟子剗畢有下土方歸母于鄉天不女奪朕言不忘
右母思悲十六句句五句句三字十句句四字一句句五
字

劉錕亂嶺南為象陳以拒王師象奔踉反踐俘錕以

獻為象之奔第八

象之奔斯惟跡蹶蹶魚麗駕空雲鳥潰南草浮浮順於龜
貅焚其帑寶弃厥隄皇風播平聲霧星辰起皆北走唐季
以來逆維來味嶺海肅清無留後于汴獻囚凱歌奏

右象之奔十八句句八句句三字十句句四字

播協畢后反走音奏

上命將平南唐誓城陷毋得輒戮一人眾咸聽命為

征誓第九

帝命將臣誓師于征伯馮牙于庭曰無劉我人曲阿惟唐

以及豫章孽于南國楚粵是疆我師孔武聿禽其王始怒
額頰將臣不懌曰如上命即起予疾弓韜于衣刃以不血
收其石程焚其侈淫視于丁寧箬羽不飲平取其罇磬平
以獻于京于廟告成垓埏既平

右征誓二十四句句二十三句句四字一句句五字

錢氏奄有吳越朝會貢獻不絕于道至是以版圖歸

職方為版圖歸第十

版圖歸歸職方昔服跼注備戎行帝錫之旆龍鳥章酌獻
命與胥今上及秦王外臣拜稽首笑頷帝色康畢同軌來
於梁畢靈奕奕敷重光願止劍履觀帶裳四海臣妾配虞
唐

右版圖歸十八句句九句句三字五句句四字四句句五

字

陳洪進初隸南唐崎嶇得達于天子至是籍其國封

略來獻為附庸畢第十一

清源無諸邦力弱臣秣陵間道遣進表九門望日旌願齒
鄒與郟自達天子庭四隣彫霸業國除洗天兵皇靈暢遐
外蠻俗邇聲明歸其所隸州乞身奉朝請音帝命得陪祀
湯沐在王城從茲附庸畢歌以頌河清

右附庸畢十六句句五字

太祖征河東班師以伐功遣太宗卒成其志為上之

回第十二

上之回舞干戚鳴鸞在鑣士飽力桴鼓轟騰罕山北餘刃
恢恢軍容肅穆王畿主辰參後服神繼聖伐功卒扼以偏

師斷北

矢葦鳴房蝟集的質子接絕親銜壁并俗嘖嘖

附于化以安得其屈產歸帝門四君長來稱藩籥節

樂示子孫

右上之回二十六句十三句句三字十二句句四字一

句句五字

宋騎吹曲

親征曲第一

雲屯列寵駟貌貅殿前殺馬祭蚩尤勾陳蒼蒼太白濕賊
帳夢驚遶營日軍呼萬歲摧太行華留東抹流電光重華
繼堯坐垂拱并土再駕無葛疆

回鑾曲第二

建隆親征回鑾二之一

徂暑黎陽車駕歸掃清氛翳兵更衣江都朔雲車駕出凱
歌消水供尚食都人引領望翠華征人一月俱還家

開寶親征回鑾二之二

長堤夜幸士素飽孤城沈竈無飛鳥從征鹵簿拜上恩太
常朝上回鑾表

太平興國回鑾二之三

都人望氣歸瑤闕星掃茸頭落參伐西人冉冉留紫雲六
飛擁日歌回軍

遣將曲第三

平荆湖遣將三之一

天門雷動開風雲內前盡給羽林軍聖人神武授方略斬
將搴旗各駿奔王師所過如時雨洗濯焦枯嚮荆楚重宣

德意吊遺黎素服軍前釋俘虜全家到闕拜上恩詔書為
築先臣墓

下劍門遣將三之二

神風流霆馭偃草天兵夜下西南道虎賁長戟來鳳州歸
峽衝枚疾如掃廟謨萬里諭諸將山川曲折圖形狀天同
鬼授契若符坐減梁恩虜供帳歸來論功授節鎮饒鼓殿
前歌破陣

歸朝曲第四

南平王歸朝四之一

荆南萬里朝天道巫女雲荒產芳草錦韉道賜帶盤腸方
物南來進龍腦願陪郊祀依日光供帳歸朝親奉表勳階
邑食及隸人移鎮徐戎作家廟人生富貴侯與王四海為

家皆故鄉

吳越王妃歸朝四之二

勾吳月令牽牛中

妃以開寶九年三月隨王入朝

翟芾乘風來闕宮隨王

劍履朝上殿黃門夜趣長春宴昭容引班入內朝龍衮當
中開雉扇宴罷朝辭生局促詔賜離宮作湯沐先王孫嘗
澤有差上恩許歌陌上花

諭歸朝曲第五

淮南草濕網蟲露家在先朝父尚主真人御極四海歸僂
蹇不朝稱節度夜侍鐵券為爾賜上恩特遣儀鑾使神離
魄奪取族夷功臣致命錫龍旂

李侍中妾歌第六

李筠愛將雅儻珪美人姓劉筠侍兒城危槍撥不得力兩

復吹草嘶馬未知道醉後聞塔鈴 天忽如掃野駝尋水

向月行露下 兒食秋棗

故園秋日曲四首

空園久閉無人住城鳥應入巢其樹食盡滿園綠荔枝引
雛飛去人始知

茅茨竹外煙火青杉鷄啁晰向田鳴家家紅鹽殷新杵綠
樹裊劊子如雨

龍蛇已去荒窟宅翻藕人人下劊池岸池藕盡無浮葉惟
有青青榕樹枝

粵王山下霧如雨吹入羅襟楚女啼身逐千艘落南去惟
有檣鳥飛向西

咄咄復咄咄

咄咄復咄咄野風吹雲起草袋竹塵陰陰不見山鷄飛上
樹海沒鵲人間舊事新白頭淮南小兒未識愁淮南老翁
叫無力瓦盆盛水看日食

賦得建業水

建業水秋風動揚子魚龍夜落星斗南潮沒潮生蒼鶻起
他年冠蓋物具美風吹小船入城市潮去不來風日死白
浪黃塵煙霧裏中有長魚食鱸鮓解后食魚何處是西上
國門望武昌風雨徙魚來漢陽武昌魚勞聚寒慘太白入
月魚腦滅武昌城頭鼓統統

賦得北府酒

北府酒吹濕宮城柳柳枝着地春垂垂祇管人間新別離
誰情欲斷江水語女兒連臂歌白紵淮南神仙來酒坊甲

獵獵羽林郎百年風物煙塵蒼老兵對月猶舉觴青帘
淚濕女墻下曾識行軍舊司馬

飛僊引遊沃州水簾谷作

赤城名門桃花尾濕浸蘼蕪洗蒼耳小支菩提海上來天
風吹下谷簾水斜珠界左轉復右華蓋縣肝三葉紫內間
肉芝承乳流鬼母僊姝臨洗胃蒼龜守關朝太微色阻讒
神誣奏事海桑男子在謫籍驅鹿行車閨年至

島上曲二首

皮帶墨鱗身卉衣晚隨鬼渡水燈微石門犬吠聞人語知
在海南種蛤歸

夫招賈客歲經遼自到城中賣織繡卻買鉛華采珠母檳
榔露下月中調

花卿冢行

山谷云花卿冢在丹陵之東館鎮至今猶有英氣血食其鄉

濕雲糝糊埋秋空雨青沙白丹陵東莓苔陰陰草茸茸上
云是花卿古來冢花卿舊事人所知花卿古冢知者誰精
靈未歸白日西廟鴉啄肉枝上啼絲州柘黃魂正飛

和靖墓

山中處士白麻履死後無書獻天子青童玄鶴書上天夜
下玉棺葬湖水湖隄四合葑如髮芳樹玲瓏倚春雪百年
鳳舞雲霧空玉椀人間出句越宮嵐塔雨恍如失飛網繞
湖冠聚鷓鴣琳宇焚芝秋寂歷斗下無人祠太乙

送人歸烏傷

湖邊老屋墻壓籬饑楊啄雪枝上啼湖中葑田產菰米莠
蒲花開照湖水蒺藜老翁呼不起曾入東宮教皇子文雅
風流俱掃地瓦礫擲人老兵醉後園小坊近市屢借人樽
蒲無稅錢君歸故里何所憐

句章見月食

穀州見月如魚口沫聚痕消暗牖鄞城見月如破臼弃
藥舍垢掛南斗龍蛇伏氣諸腦空水中睡失羣陰母其間
海禽獨夜啼黑雲赴海同奔犀市人識母不識父擊拚摧
扉救月死况值楚賓月十五千神附甲支在子孤子哀吟
離楚尾汨落荒江吊南紀猶憶秦淮哭日年不敢仰視看
盆水

逃暑崇法寺

城南古寺涼生處草色遙連孝子墓
棊局雨生苔蘚文袈裟晴挂芭蕉樹
自昔闍黎修白業會公唯與舒王接
只今塵土影堂空石上猶鐫麻紙帖

夏日游玉几山中

曳舟來山中出郭稅吾駕獨慕欣
衆勝晨發乃及夜豈無城中山愛此
足幽野橫陳玉几峰隱護碧殿瓦并
州古男子禮塔於此舍而我飲水人
猶爲內熱者擬攜桃枝筇舒卷得餉
暇明席織海草因之一枕藉冷風吹
雪空相與坐其下

觀水

積陰生壑雨野水學江流對屋見燈
火相望南渡頭浮槎到高樹白龍起
滄洲變怪若不測神功安能尤補退
見涯溪及來痕沫收崩濤出白石隱
隱如博投水楊洗荒根素髮生古愁
見此倏若化故流還膠舟荒源不可
詰欲盡山雲求

池上藻

浮萍隨漲水上到荷葉端水退不得
下猶粘花萼間花殷青已見葉翠枯
始斑何如根在水根蒂相團團人生
慕高遠風雲事躋攀絕髯尚號叫化
爲鶴與猿幸未及枯槁萬里吾當還

贈寫照唐子良

吳中衆史今代畫不獨畫人兼畫馬
唐生家住金華雲對予獨官畫古人
夕陽西下東流水紛紛古人呼不起
東都留守吳中豪王府勳僚舊俊髦
當時氣薄陰山日勾陳蒼

蒼太白高百年水竭海塵上誰見凌煙拂蛛網霜髯磔磔
開清新彷彿猶帶黃河水忽疑稍會怒色止或可從俯窺
諫紙唐生見我淚如洗頗憶古人今不死俟我氣定神始
閒命筆更起唐衣冠

九日

秋風颯以至今日重陽日眼明對南山尚想陶彭澤向來
建威幕頗見有此客驅車不小留駕言公田秫一朝又棄
去此意誰能識寄奴趣殊禮風旨來自北只今王江州建
國功第一故是何珉孫舉動良足惜飲愧望柴桑稍以自
湔滌殷勤白衣餉猶恐不我卽中路候籃輿要致已甚迫
葛中赤兩脚頽然向林宅此翁本坦蕩焉能苦違物雖然
可計取中實未易屈華軒又何羨自載返蓬葦終身書甲

子往往義形色如使磷與緇安得爲玉雪籬邊菊弄黃

粲正堪摘我方持空觴千載高風激

雜言送鄭主簿炎之官昌化

鄭嘗兩請福州文解皆爲詞賦第一

劉先生名肩吾閩中詞賦天下無當年戰藝誇顏色進士
出身兩回得盧公里人正在朝相見相逢九官宅余特猶
弱起慨忼謂此本足榮其鄉丈夫事業在簡冊要令姓字
留耿光繼聞鄭君年最少人物氣象尤堂堂白鹿山南介
公後禽蛟兩祭獅子王夢魂欲見無由據側荔芭蕉春復
暮時移乃爾來雲間因作廣文求主簿顧予多病溢語言
面垢毛雉著麻布山中乞食城中歸徵詩送贈非所宜已
聞之戍嚮昌化此地人傳多畏怕龍居嗜燕煙入巢病甲

明長集卷
垂欄腥雨下又聞山鬼吹燈夜來向人家避官舍君持何
術徑往居此無百憂便將天雷斧柄塞鬼穴巫山鐵鑊沈
龍湫祇足自亂不得休豈知從心致禱動幽隱使龍無嘴
鬼無愁不知君能致此不龍不須醑以酒鬼不須祭以肉
秋旗卷雨曉案煙時向縣齋望天目一作龍不須鍼以從

擬古

翔鱗化海鳧不見腦中石人生弃井邑寄處終為客常懷
墳墓思永夜良踟躕秋風吹蓬顆索索如布奕上為考與
曾下為叔與伯豈無故鬼悲翻念遠行役服藥得神仙去
後唯留跡忽夢南遊雲相逐孤飛翮

五日山中

東隣拔蒲根南隣燒艾葉艾葉出青煙蒲根香勝雪乾坤

生燐火陰碧朔月光煙隨艾葉散進此菖蒲觴蒲觴益齒
髮齒白髮如漆餘飲不盡器置之五七日五日化為丹七
日化為碧一服一千年令人生羽翼

鐵如意

仙客五六人月下關婆娑散影若雲霧遺音杳江河其一
起楚舞一起作楚歌雙執鐵如意擊碎珊瑚柯一人奪執
之睨者一人過更舞又一人相向屢傴僂一人獨撫掌身
挂青薜蘿夜長天籟絕宛轉愁奈何

萍間薜荷效王司馬體

初萍半含絮頃刻開數畝荷生浮其間風雨足解后百年
遊子心欲作千歲久昔為浮萍根今為薜荷藕荷高刺已
生魚遊觸其首離離荷下萍吹向白魚口

效孟郊體

閒庭生柏影荇藻交行路忽忽如有人起視不見處牽牛
秋正中海白夜疑曙野風吹空巢波濤在孤樹

落葉昔日雨地上僅可數今雨落葉處可數還在樹不愁
繞樹飛愁有空枝飛天涯風雨心雜佩光陸離感此畢宇
宙涕零無所之寒花飄夕暉美人啼秋衣不染根與髮良
藥空爾爲

閨中玻璃盆貯水看落月看月復看日日月從此出愛此
日與月傾寫入妾懷疑此一掬水中涵濟與淮淚落水中
影見妾頭上釵

近體二首

南雁去來盡音書不可憑應過巒嶺瘴聞村楚臣膺滄海

沉秦壁愁雲起舜陵可堪魂夢在回首舊觚稜

月離孤嶂雨尋夢下山川野塚埋鸚鵡殘碑哭杜鵑妓收

中使客民買內醫田到此聞隣笛離情重惘然

憶梁禮部椅

閒庭芳桂叢相憶曙雲空文字能娛老莓苔此興同青山

明月下家口少微東歲晚西莊路柴門語自工

拜玄英先生畫像

未此得公真塵埃避隱淪水生溪榜夕苔卧野衣春雨冢

侵吳甸荒祠侑漢人微吟值衰世爲爾獨傷神

送汪十

多年隱賣漿此去結山房掃菌侵花落種松如草長老期
秋欲至貧味水初嘗歲晚逢樵獵音書定不忘

悼南上人

翻經卷未終聞打寂時鐘盡說他身在唯應外國逢錫聲
歸後夜琴意滿諸峰憶昨夜禪處湖雲起白龍

元日讀老子望瀑作

空山無轍迹懸水下分洪醉醒聽猶在寒暄色不同異書
天姥秘靈物乳池空祗憶殘年雨先流到海中

哭所知

總戎臨百粵花鳥瘴江村落日失滄海寒風止薊門雨背
餘化碧林黑見歸魂欲哭山陽笛隣人亦不存

呈王尚書應麟

寒風吹鬢影客淚濕衣塵千里見積水滿城無故人船歌
甌擊盡劍舞越花新獨憶絲綸老相從話所親

山陰道中呈鄭正樸翁

楊柳遠天色野風來水涯異鄉同夢客今雨故人家越樹
夜啼鳥禹陵冬落花悠悠海意爲爾鬢先華

送毛耳翁之湘南

湘草碧於水王孫尚此留一身行萬里雙鬢集諸愁月落
嶽雲曙龍逃海雨秋可能無事業相見竟悠悠

寒食姑蘇道中

頻年感烟草荒塚幾人耕吳楚逢寒食山村見獨行天陰
月不死江晚汝徐生到海征帆影悠悠識此情

別子靜却送之雪

獨往知吾事語離何所求故家無別業殘夢下扁舟積葉
吳宮冷唵猿顧渚秋那能不相待羈旅負清遊

八詠樓

江山此愁絕寒角夢中吹飛鳥過帆影遊塵空戟枝水交
明月動槎狀故洲移已薄齊梁士猶吟沈約詩

至日憶山中客

山村雲物外至朔閏年愁獨客語茅屋樵人共白頭驛花
殘楚水烽火到交州欲隱裂裳帛春來重結裘

懷峨嵋家先生

露下濕百草病思生積愁窟泉春洗屐瓊雪莫過樓魂夢
來巴峽衣冠老代州平生仗忠信心自與身仇

哭廣信謝公

自爾逃名姓終喪哭水濱海僧疑見貌山鬼舊爲隣客死
留衣物囊空出告身他年越鄉值賣卜有斯人

雨夜呈恕卿

相看隴水雲一夕幾回分預恐今宵雨他年獨自聞野花
同楚越江鷺雜朝暉不得鋤芝木逢樵却寄君

暮春感興

天涯芳草夢此意未應泯獨對風烟老虛爲江海人漁樵
分落日櫻筍過殘春舉世無知己他生應逐臣

秋日憶過秦國公主園

野影林樾盡山昏瓦塔齊涼宵風雨過一雁西南啼嵐霧
洗巾幌井泉生蕪藜傷心拂塵塵衣淚濕空梯

用韻酬友人憶寄

麻衣拂市塵外事不干貧野氣生寒井天陰壓莫春閒身
分楚鞠白髮作吳人已斲藤蕪徑青鞋憶寄頻

鼓子花

塵濕西風淚溝西影見君碧衣羞遠日天夢冷秋雲蔓引
山精徑籬依楚女墳海邊逢賣藥采實故應分

山寺送翁景芳歸觀

弱雲竹水滄葉影碧離離野別如秋夢他宵獨爾思林殘
西域果鐘動下方棋可得朝還莫相看長在茲

寄朱仁中

聞君經亂後居處畏山顛家在聚如客糧餘食帶烟戍鴉
分落日燒草共殘年因憶先丘壠于今是極邊

西臺哭所思

殘年哭知已白日下荒臺淚落吳江水隨潮到海剋故衣
猶染碧石上不憐才未老山中客唯應賦八哀

槿樹

白犬吠行人西風杵臼新洗香燈宿水曝髮向秋隣野草
依溝盡宮花入帽頻人家小門徑憐爾獨相親

哭肯齋李先生

落日夢江海呼天野水涯百年唯此死孤劍託全家血染
楚花碧魂歸蜀日斜能令感恩者狼籍樹荒遐

遊釣臺

百臺臨釣渚遺像在蒼烟有客隨槎到無僧依樹禪風塵
侵祭器樵獵避兵船應有前朝蹟看碑數漢年

過孫君文舊避地處

相逢還自矢相見盡天涯隣壤初移戍空山此寄家剪茸
春過鹿伐竹舊燒畬去後餘荒槿依溝結影斜

韶卿住鳥傷寄劉元益

他日憶逢君林中訪惠勤鹿麕行處見流水別時聞草沒
秦人家山通越國雲音書年歲失莫訝白鷗群

魯國圖詩并序

翺嘗乘舟至鄆望海上島無數其民多卉服過蛟
門登候湖山被髮楚歌歌罷輟復哭思夫子浮海
居夷之義至定海學故石刻盡仆泥淖中新刻復
關茸讀即快快乃汲水洗故刻得紹興開邑令趙
所傳魯圖自云齊梁父諸山川至洙泗間巷里廟
社并墓歷歷如指諸掌遂摹其本歸過浦汭方君
景山與枯人吳思齊率其徒爲講經社得思陵所
贊夫子像揭十庭朔望拜進退與俯仰習乞鄒所

摹圖與像對翺喜而歸之且書其後爲之詩曰

秋風嶽下城海客見圖新樹入舞雩里水來浮磬濱東封
餘輦路西狩問虞人被髮逢夫二狂歌作放民

萬松道中望南太白

筍輿行萬山中有十里亭老樹祇一色野公逾百齡柴關
當太白藥氣近樵青岡草粘枯蠹巢枝落退翎期採幽谷
水共斲松根苓艾納下天雨塵風吹冥冥

峨眉老人別子歌

峨眉有老人奉命過嵩少天風吹西翼冉冉明夕照濕塵
紛墮天髮白更待報有子爲異物不得入家廟慟哭東南
雲相望滄海嶠青鳥年年來寄書久不到

後瓊花引

揚州城門夜宿雪揚州城中哭明月墮枝濕雲故鬼語西
來陰風無健鶻神娥愬空衆芳歇一夕蒼台變華髮宮花
穿簾塵掩鞞玉華無因進吳越離離淮水山央央誰其死
韻李與姜

邳州哭

邳州哭井水竭云年哭母瘴海熱今年此日來邳州母死
未禫子爲囚邳州土濕淚長在化爲蒼苔色不改雨雨遊
魂歸瘴海

秋風海上曲

秋風吹水龍上天龍女抱珠海底眠水花生雲起如藉神
龍下宿藕絲孔巨鼈鼉鼉鼓隨赤魚鱗鱗陳旌旗海人
見此失操網歸對妻兒月

自來移家來嶺中十載秋

風潮不上老夫一人語門前見此已是開皇年

古別離

仙人別母母哭帝遺以神藥乃醉之醒來哭定記兒語食
此庭前雙橘樹葉能禦饑病能愈豈似當時逐兒去隣翁
有女立我前取刀剖腹爾勿憐但爾嫁夫能治田生子不
願生神仙

冬青樹引別玉潛

冬青樹山南陲九日靈禽居上枝知君種年星在尾根到
九泉護龍隨恒星晝實夜不見七度山南與鬼戰願君此
心無所移此樹終有開花時山南金粟見離離白衣人拜
樹下起靈禽啄粟枝上飛

小元祐歌寄劉君鼎

前甲子小元祐句章稜黑權臣死端平天子初改紀龔芳
泰陵種蘭芷當秋淮甸枯草黃彎弧北向射天狼孤南星
光天狗墮入蔡生擒完顏王是年南海無波浪月濕珠胎
君以降只今六十空白頭獨騎麒麟補春秋天回星周美
惡復人世更傳蔡州錄

雨飲玲瓏巖下

垂雲起嶽嵌衣被松與桂夜含星斗光隱若金石氣雨來
輒阻之不得撫蒼翠下有桑門子飲用陶甕盆中蓄海
石左顧如牡蠣疑此磧上來不知幾年歲桑門却問客所
居何姓氏回指南海峯蒼茫俯一至

翠鍊亭避雨

亭有魏土妃所題字尚新王嘗以皇
子成德軍節度使鎮明故紀至此處

客右

山衣著久如薛荔行行萬翠亭忽作風雨憇仰面

所觀梁間有題字問此何人書婉婉有弱氣云昔魏王
妃學書似李衛乘雲到此山酒墨在空翠壁風吹上花條
忽景物異疑此夢與仙不類人間世

過舒臨海故宅

破壁濕海蘚水邊日氣蒸云是舒公宅其孫艾且仁昔公
初作尉視事即斬入上書稱臣竄待罪滄海濱天子有詔
至汝曹可治民爾時荆文公上方邑之鄆聞此輒異之久
會公秉鈞謂此非狂狷引用至中丞立朝思蹇謬庶以報
君親蘇公下詔獄讒者用事新於此與有力豈爲重其身
晴風吹海雨山川尚橫陳俯仰勿太息徒爲驚爾隣

有洗舊詩綾作青色響將以爲緣以紉繒易得之作
手卷賦小樂章求好事書其後

吳宮輦路傷行客
齒水壓雲凝碧色
門前新掃染家隣
借人鋪設殘衣帛
宮花剪綾連院號
覆取翻看成一道
織綾宛轉勅字新
知是初誰六尺誥
城霞失彩宮薜病
中與海圖上衣領
改顏倖售緣所遭
褪藥玄香洗藍影
青綱易得淚承睫
擊筑楚歌無故業
歌殘求書好事人
異代倘傳誥綾帖

雪中方四隱君訪宿有詩憶鹿田風雨舊遊奉和併

呈吳六贊府

金華入北山空響出靜
吟鹿田在其顛
肺石來風雨有客
六七人昔遊至其處
唯我愁不眠
起坐蹠君語謂此定何
聲百感生離緒
既非琴與瑟復與砧
將杵醉者呼不應
愁者自爲苦空羈快
孤衾展轉如巢樹
濕歌散餘悲以足拊
柱礎爾來又七年
欲至困羈旅
傳聞老桑門已復
蟬蛻去入山惡少年
中鉢空其聚乃知
人世間何者爲客
主而我同懷人忽
復異處所夢中遙
相望各抱不售賈
有客不同遊亦是
同懷者地至况有
期輿馬不待假倘
規宿山中畸人不
應舍

送袁太初歸剡原袁來杭宿傳法寺寺在德壽宮北

今行路及園卽宮舊址

大雷山下鄞江口
石濕落星海涵斗
莓苔鎖窓居鬼神
散髮天衣夜行酒
百年綺語墮凡塵
劉公不還謝公走
祇今零落三秋霜
猶說先朝人物
藪道逢袁家美
年少欲挽吳潮
歸兩袖自言學
出戴君門又說
舒君忘年友
舒君白頭爪
塵垢戴君業
成衣露肘君
來何處覓
知音弔古
淒涼無

老叟出門擇語歸計餐顧忌慚皇無不有不如歸食空江
槎初生淡菜如珠母風帆送客來夷洲白恰青衫談不朽
君不見君今宿寺多鄞僧耆舊能言幾人在隔牆食柏秋
麝過廢石坡施舊南內

擬古寄何大卿三首

雄雌雙碧雞所食琪樹藹來棲藥洞中當春怕乳子其雌
秋別時守此唯雄耳可憐銜子歸萬里渡海水
石間道人影見者恒髣髴浮雲過到仙與語呼之出身亦
竟不出影亦竟不沒含涕謝仙人天地此終罪
山人食木實竹實以飼鳳聞此來空烟三載脫塵鞋不見
玉笙音唯聞溪鳥弄西臺憶故人野祭忽如夢仰視浮雲
馳不覺哭之慟

晞髮近藁鈔

天地間集附

八三

福唐黃坤五語余晞髮集近世行本多遺漏曾抄畜二
十餘首皆刻板所無余聞之心往恨其不攜行笈得一
見也從子愚忠自茗上潘氏抄得晞髮近藁一帙爲發
狂喜原集古詩大半此多作近體屈蟠沉鬱吐茹奇艷
皆世所未覩豈卽黃春坊所謂與然黃云二十餘首而
此編有五十首數旣不合且此署晞髮道人近藁當是
末年未定殘草別爲一卷流傳人間又非刻本零星遺
漏比也然則黃氏二十餘首又不知何詩矣惜春坊云
亡不得一質證之此帙附天地間集十餘首卽臯羽所
編當時諸公詩也按本傳有二卷此亦不完書潘氏藏
本爲陸子傅手蹟有題識子傅名師道吳人

過杭州故宮二首

禾黍何人爲守關落花臺殿暗銷魂
朝元閣下歸來燕不見前頭鸚鵡言

紫雲樓閣燕流霞今日淒涼佛子家
殘照下山花霧散萬年枝上挂袈裟

重過二首

覆道垂楊草欲交武林無樹着凌香
野猿引子移來住覆盡花枝翡翠巢

隔江風雨動諸陵無主園池草自春
聞說就中誰最泣女冠猶有舊宮人

野望

心遊太古後轉覺此生浮天外知何物
山中着得愁岸花

低草色潮水逆江流消長盈虛裏令人白盡頭

無題

天風下黃葉山樹挂綠簑世情逐流水
東去無迴波可與語人少不成眠
夜多濕雲黏短髮漂泊奈愁何

春閨詞

手觸殘紅頭懶梳香隨蝴蝶上衣裾
暖風吹睡無言語又向牀頭看夢書

四皓

冷却秦灰鬢已翁紫芝歌罷落花風
若教一出無遺恨莫入畱侯準擬中

散髮

乾坤一楚囚散髮向滄洲詩病多於馬
身閒不似鷗因看

東去水都是夜來愁
晚意落花覺殘枝香更幽

友人自杭回建寄別三首

同來不同去
離別暗銷魂
閩浙若同水
扁舟送到門
潮信到嚴瀨
水色過衢城
寄潮不寄水
潮去有回程
水到衢城盡
梅花上嶺生
不如寄明月
步步送君行

孤山

又冒晴絲向水涯
寒雲冉冉護巾紗
能知綠鬢幾回至
欲作黃冠此處家
已把掖垣等茅舍
不愁封禪對梅花
曉風吹袂過船去
看鶴上天衝碧霞

雪

片片何似無根零
亂花任隨飛到處
不揀是誰家縫密
天如翳檠深樹半
斜城中薪酒貴
羈旅若爲賒

畫秦宮人

宮人字玉姜
秦時逃入山
是爲毛女
漢魏間人猶見之
結草爲衣類鶴翎
初來一味服黃精
宮鶯幾處啼花山
猶向山中認得聲

織婦歎

待得蠶蠶繭繭上
絲織成送女去
還歸支機本是寒砧石
畱取秋溪自擣衣

商人婦

抱兒來拜月
去日爾初生
已自滿三歲
無人問五行
孤燈寒杵石
殘夢遠鐘聲
夜夜鄰家女
吹簫到二更

憶湖上

擾擾忽半月
征衣雜弔塵
頗疑湖上客
不是城中人
岸柳

乘 槩山雲泫濕巾明朝在何處相怪墮凡身

悼古李清

典刑前一輩言語尚風流詩律縛不住梅花惱得愁雲烟
今變滅老病總宜休喚醒菟裘夢嚴城山雨秋

蠟梅

冷艷清香受雪知雨中誰把蠟爲衣窰房做就花枝色留
得寒蜂宿不歸

雷別顧君際

萬里行可到詩人吟到難愁來時自語寫出許誰看月落
望如失山空坐更寒此時多少意欲別路漫漫

後桂花引

修月仙人飯玉屑瑤鴨騰騰何處熱吳剛生愁樹合劍毫

飄玉芥高枝折此時待罪扣帝庭素娥騎鶴滄海月中
落子如雨星至今收拾無六丁

吳山謁祠

吳山坊頂戴高祠禁地淒涼江水悲却是北人題記壁迤
南蒼舊獨無詩

雪後湖堤步歸

無求如有得散策隄邊行山碧眼花亂水寒毛孔生窮冬
疑有雨一雪却成晴勞謝天涯月相隨步入城

梅花

春過江南問故家孤根生夢半槎牙到無香氣飄成雪未
有葉來開盡花

吹老單于月一痕江南知是幾黃昏水仙冷落瓊花死祇

有南枝尚返魂

往姑蘇與友人別杭州

北闕到吳會煙草亦詩情飲少但知價行疎數問程天陰
月不死江濶水能生別後不得寐相思還二更

雪霽有感

夜長春度夢門雪擁芭籬不倚成山積情知有霽時日高
簷自雨氣上瓦如炊風過梅花濕寒香只戀枝

山中道士

山中道士服朝霞二十修行別故家留客一杯清苦蜜蜂
房知是近梅花

餘杭樵歌

樵斧丁丁響翠微頰肩半脫汗身衣因來避雨崑前洞裹

得山蜂和蜜歸

書文山卷後

魂飛萬里程天地隔幽明死不從公死生如無此生丹心
渾未化碧血已先成無處堪揮淚吾今變姓名

十年

忘却寒溫語相逢一揖休十年只如此今日若爲愁月白
夜亦晝山寒春更秋無情溪澗水只是下灘流

秋夜詞

愁生山外山恨殺樹邊樹隔斷秋月明不使共一處

除夜舟中遇雪

歲月安有限利名心未灰雪飛今夜止潮去隔年來交友
窮中見江山盡處回家人誰念道耳熱不因杯

元旦舟中聽潮

東望拜潮水無家在客船。一來仍一往。今日又今年。有信從天外。緣聲到枕邊。海門春樹暖。吹浪起晴烟。

鷓鴣步尋方元英故居

遺像雙臺下。結廬烟水傍。子孫今幾世。風雨半他鄉。山靜雲眠影。葉乾蟲食香。高名故相壓。吟苦不成章。

青蕩亭

青山何處似。疑是剡溪傍。採蕩無人到。生沙滿。逕荒水交難辨色。花和不同香。歸路逢樵子。麻衣草結裳。

題酒家壁

綠陰浚處問天涯。黃鳥聲中見酒家。樹上胡孫摘殘果。向來纔見是春花。

正三立春

舟中隔歲話。偏似信誰從。山帶去年雪。春來何處峰。移軍增野竈。落磧減機舂。明日金華洞。牧羊尋故蹤。

贈山中友

散策亂山雲。值此山林友。種松高及身。掃葉落隨手。斫盡松上枝。縛作山中帚。夜夜對西風。明月生戶牖。

沙岸登舟

五里兒女步。虛沙映斷筇。雲支半山石。帆席上溪風。數雁憐身隻。聞鶉願耳聾。市橋東畔塔。側影夕陽中。

僧房疥壁

松樹落釵股。曉行猶見燈。圓亭方井水。老寺少年僧。澗響夜疑雨。雲寒春欲層。山童錯相認。應道我來曾。

山居

宿火石中取人烟隔斷霞盜侵鄰壤粟女寄外翁家野樹
刺生葉枯松藤纏花老翁頭未白相對話天涯

望仙都山二首

鼎湖只在桂峰上地險山空不可家山下人居五六月天
風吹雨碧荷花

道人誦經半峰下洞裏山神不敢歸我欲乘風到峰頂
攀翻荷葉作蓑衣

疊山

礧礧復崔嵬晴雲撥不開鐘聞上界響石自太湖來靈草
擣為藥寒松燼作煤欲窮登覽興未到已裴徊

社前

無家借燕住離別又經年客館依山上春分到社前雨來
換宿水雲起暗晴川颯颯吹衣帶因風問去船

艤舟江心寺

數聲清磬出晴暮落木人家散烟霧風送年年江上潮白
雲生根吹不去

歲月

歲月記不得曾行此處村日欹眠石影樹長食藤根晚羨
棲猿鳥春來問子孫勞生空可說不是欲忘言

雪女吟

罨畫溪頭斂翠眉綠楊扶起又低垂春風盡與花為主不
解庭前百結枝

文房四友歎

兵後四友流落有訪而得之者則頂禿足折笏碎幅裂
自秦以來未見吾黨獲禍如此之慘者是以爲之長太
息云

昆吾莫耶輕毛錐平生故人皆引去
剡溪之督絳色黥獨與石君作一處
中書間起免冠謝輒被溺冠仍嫚罵見幾
自愧後穆生正恐髡春不與赦有時怒髮豎相如熟視蒙
恬挽其鬚泓尤淪棄敢自愛老龜支沐息猶在荆山風雨
朝暮號璞在吾懷足何罪恨不雪耻酬諸姬背水一戰漢
爲池楮生不改舊邊幅三褫何但高閣束客卿騎項百折
磨猶恐玄能赤吾族此時不平義重生陽城裂麻欲死爭
平生國士立橋下誓死守此漆身啞

秋社寄山中故人

燕子來時人送客不堪離別淚沾衣
如今爲客秋風裏更向人家送燕歸

天地間集

寄江南故人

則堂家鉉翁

曾向錢唐住聞鶻憶蜀鄉不知今夕夢到蜀到錢唐

南華山

文山文天祥

北行近千里迴復迷西東行行望南華忽忽如夢中
佛化知幾塵患乃與吾同有形終歸滅不滅惟真空
笑看曹溪水門前坐春風

逢有道者

誰知真惠難悟此大光明雲散天仍在風休水自清
功名幾滅性忠孝太勞生此意如能會神仙亦可成

山中夜坐

本心文及翁

悠悠天地間草木獻奇怪投老一蒲團山中大自在

武夷山中

疊山謝枋得

十年無夢得還家獨立青峰野水涯
天地寂寥山雨歇幾生修得到梅花

溪橋晚興

南谷鄭協

寂莫亭基野渡邊春流平岸草芊芊
一川晚照人閒立滿袖楊花聽杜鵑

錢唐晚望

錢唐江上夜潮過秋靜寒烟白露多
吳越青山明月裏舟人齊唱異鄉歌

月夜溪莊訪舊

歸田柴望

山山明月露何處認梅花石色冷疑水
溪流白是沙清吟幽客夢華髮故人家
相見即歸去已應河漢斜

觀水

古為徐直方

滄江無盡水夜夜隨潮去若復作潮來
滄江止不住

秋夜泛舟

橫舟何新之

飛星曳寒影野水淡碧空人生定何物
扁舟空影中何年有宇宙生此木末風
有力不向上難到蓬萊宮空攀棲鶻巢
搔首如飛蓬俯仰慨今昔此懷安可窮

歸去詞

石髓王仲素

種松雨濯髮折筍春墮指長嘯歸去來
滄江一天水

翫月有感

草堂謝鑰

入夜茶甌苦上眉眼花推落石牀茶舉
頭却恨天邊月顛

倒山河作樹枝

退宮人

雲西陸壑

破篋猶存舊賜香
輕將魂夢別昭陽
只知鏡裏春難駐
誰道人間夜更長
父母家貧容不得
君王恩重死難忘
東風二月垂楊柳
猶解飛花入禁牆

散策

菊屋何天定

孤坐忽不樂
出門聊散行
溪喧亂人語
樹偃碍農畊
雨徑莓苔積
陽坡草木明
道逢九十老
相對話承平

西窗

埜處王曼之

西窗枕寒池
池邊老松樹
渴猿下偷泉
見影忽驚去

春日郊行

出門逢柳色
忽過空橋西
坐石看潮長
隔花聞鳥啼
地隨

芳草盡樹與夕陽齊
不是桃源路
行人亦自迷

年年

觀山范協

年年如燕一還家
又訪幽居過水涯
風雨滿城春欲暮
山中猶有碧桃花

訪隱者不遇

東窗吳子文

道人入山訪道人
山深俗朴雞犬馴
道人不見道人去
毯草木無邊春

采菊

竹坡韓

擷我百結衣
爲君采東籬
半日不盈掬
明朝還滿枝
悠然何處是
千古正如斯


曉起

曉山林景怡

天鷄弄喔咿
殘星在斜漢
整衣出幽扉
山城漏初斷
微微

水風生冉冉田露散此時遊葛天淡然空百羨海色上寒
梢漸識梅花面

聊易述



中斷江漢州外
平平噴海一壘家又山山臥誰來
平山
平山

